

Arnolt Schlick's

Spiegel der Orgelmacher und Organisten.

Heidelberg MDXI.

(Mainz bei Peter Schöffer.)

5^{tes} und 6^{tes}

Monatsheft für Musikgeschichte

herausgegeben von der

Gesellschaft für Musikforschung.

I. Jahrgang 1869.

Preis des Jahrganges 2 Thlr.

No. 5 und 6 detto 15 Sgr.

Berlin.

Im Commissionsverlage von T. Trautwein (M. Bahn).

Leipziger Strasse 107.

Gebrüder Hug

Musikalien- u. Instrumentenhandlung,
Leihanstalt.

Pianofortes, Harmoniums.

Exportation
de musique allemande.

BASEL

ZÜRICH, ST. GALLEN, LUZERN,
STRASSBURG.

Spiegel der Orgelmacher vñ Organisten allen Stifften vñ kirchē
 so Orgel haltē oder machē lassen hochnützlich. durch den hochbräu-
 ren vñ künstreichen Meyster Arnolt Schlicken Pfalzgrauischen
 Organistē antlich verfasst. vñ vñ Römischer Kaiserlicher maiestat
 sonder löblicher Befreyhug vñ Begnadung auffgericht vñ außgantz.



533
1869

Vorliegender Spiegel der Orgelmacher und Organisten ist ein getreuer Abdruck eines bisher völlig unbekannten Werkes, welches vielleicht nur noch in dem einzigen uns vorgelegenen Exemplare vorhanden ist und wir nahmen daher das liebenswürdige Anerbieten des jetzigen Besitzers des Originaldruckes, Herrn Wilh. Bethge junior, das Werkchen durch einen neuen Abdruck allgemein bekannt zu machen, um so lieber an, da es nicht nur das Werk eines einstmals berühmten deutschen Organisten ist, sondern eine gleiche ausführliche Beschreibung der damaligen Orgeln nebst sehr interessanten und werthvollen Bemerkungen über die damalige Musik und deren Ausübung in keinem auf uns gekommenen Werke in so einfacher und verständlicher Sprache zu finden sind.

Das Werkchen, in klein 4. mit gothischen Lettern sehr schön und sauber gedruckt, ist mit Titelblatt 30 Blätter stark. Ein Drucker ist nirgends genannt, doch könnte man auf Peter Schöffner in Mainz schliessen, da er die Tabulaturen auf die Orgeln, welche in dem Privilegium mit eingeschlossen werden, im folgenden Jahre gedruckt hat. Bei einem genauen Vergleiche der beiden Werke stellt sich diese Vermuthung fast zur Gewissheit heraus, denn sowol das Papier, als die Lettern und die Abkürzungen der Worte und deren Zeichen dafür können nur aus einer Officin stammen. Die „Tabulatur vff die Orgel“ trägt auf dem Titel ebenfalls einen Holzschnitt und der Drucker ist erst auf dem letzten, sonst ganz leeren Blatte verzeichnet: *Getruckt zu Mentz durch Peter Schöffner. Uff sant Matheis abent. Anno. M. D. XII.* Diese Adresse ist mit einfachen gothischen Lettern, ohne jegliche Verzierung in einer Zeile quer über das ganze Quartblatt gedruckt. Wahrscheinlich befand sich in dem vorliegenden Spiegel der Orgelmacher eine gleiche Adresse auf dem letzten fehlenden Blatte. Dennoch habe ich mich bei Abfassung des Titels nur an das im Buche selbst gegebene gehalten und die Stadt Heidelberg gewählt, da Schlick dort ansässig war. An der Jahreszahl 1511 glaubte ich um so mehr festhalten zu müssen, da das Druckerprivilegium vom 3. April 1511 datirt ist und das Orgelbuch schon Mitte Februar des folgenden Jahres erschien.

Ueber Schlick's Lebensverhältnisse sind wir sehr wenig unterrichtet. G. J. Dlabacz sagt in Riegger's Statistik von Böhmen (Heft XII. S. 280), dass er aus Böhmen gebürtig sei, da jedoch der Vater auch Arnolt Schlick hiess und ebenfalls am pfalzgräflichen Hofe zu Heidelberg Organist war (siehe die Vorrede zu den „Tabulaturen vff die Orgel 1512“), so ist es wol möglich, dass sein Sohn in Heidelberg geboren ist. Im Jahre 1517 widmete ihm Andreas Ornithoparchus das vierte Buch seines Micrologus. Ob das Manuscript, welches die königl. Bibliothek zu Berlin besitzt: *Explicatio compendiosa und De Musica poetica*, zwei theoretisch musikalische Abhandlungen mit vielen Musik-Beispielen von Josquin, J. Galliculus, A. S. und Ungenannten, Arnolt Schlick zuzuschreiben ist, wie Kiesewetter aus den zwei Buchstaben A. S. definiren will (siehe Allgem. mus. Ztg. 1830, 32 B. S. 726 ff.), ist sehr unwahrscheinlich, denn es war bei den alten Schriftstellern wol Gebrauch die Namen bekannter Komponisten mit nur zwei Buchstaben zu verzeichnen, doch

ihre eigenen Kompositionen sind in keinem ihrer theoretischen Werke mit ihrem Namen gezeichnet. Nur das Eine ist aus dem Traktate mit Sicherheit zu ersehen, dass der unbekannte Verfasser desselben ein Deutscher gewesen ist, denn bei einem Beispiele von Josquin, welches auf zehn Linien dargestellt ist, und die vier Stimmen durch vier verschiedene Farben erkennbar gemacht sind, befindet sich die Anmerkung:

discantus roth.

Tenor schwarz.

Altus gruen.

Bassus roth.

Ueber den Abdruck des vorliegenden Werkes sei nur noch bemerkt, dass die vielfachen Abkürzungen aufgelöst worden, die Interpunktionen dagegen, obgleich sie das Verständniß erschweren, nach dem Gutachten von berliner Autoritäten (ich nenne nur Herrn Prof. Haupt) unverändert geblieben sind. Nach einiger Uebung findet man sich in der alten Satzbildung sehr bald zu recht, besonders wenn man die ofte Anwendung des Punktes nur als ein verstärktes Komma betrachtet und den Schluss eines Satzes, welcher nicht durch einen Punkt bezeichnet ist, am grossen Anfangsbuchstaben des folgenden Wortes erkennt. — Die erklärenden Anmerkungen mögen von denen willkommen geheissen werden, welche auf dem Felde der alten Sprache und musikalischen Theorie, nebst den damals geläufigen Fachausdrücken nicht ganz wandert sind.

Die Redaktion.

(Rückseite des Titelblattes leer.)

(3. Seite.)

Wir Maximilian von gots gnaden Erwelter Römischer keyser zu allen zeitten merer des Reichs in Germanien zü Hungern Dalmacien Croatien etc. kunig Ertzhertzoge zü Osterreich, Hertzog zü Burgundt, zü Brabant, vnd Phallntzgraue etc. Embieten allen Chûrfürsten, Fürsten, geistlichen vnnnd weltlichen prelaten Grauen. Freyen. Herren. Rittersn. knechten. Haübtleüten. Landtuögten. Vitztumben. Vögten. Pflegern. Verwesern. Ambtleüten. Schulthaissen. Burgermaistern. Landtrichtern. Richtern, Redten. Bürgern. Püchrückern. Püechfürern. Gemainden, vnd sonnst allen andern, vnnsern vnd des Reichs, auch vnnsrer Erblichen Fürstentümb vnd lannde vnnderthannen vnd getrewen. in was wurden stats oder wesens die sein, den diesser vnnsrer brief fürkumbt. oder verkündt wirdet. vnnsrer gnad vnd alles guet. Erwidigen, hochgebornnen. Wolgebornnen. Edele. Ersamen. Andechtigen lieben Neüen.¹⁾ Oheymen. Chûrfürsten. Fürsten vnd getrewen Vnnss hat vnnsrer vnd des Reichs lieber getrewer Maister Arnoldt Schlickh organist von Haidelberg zü erkennen geben. wie er auff vilfeltig vleissig ersüchen vnnnd begern. weilennnd Phallntzgraue Philipsen, auch anderer Fürsten. geistlich vnd weltlich person, mit embsigen vleys. in ain püechlin züsamen gebracht vnderschiedlich anzeigung lere, vnnnd vnnder-

1) Neffen.

richtung. wie man ain artlich werch, von pfeiffen vnnnd annderm. dem gesanng zü Chor. vnd den organisten brauchlich

(4. Seite.)

zürichten vnd stellen soll, Dasselb puechlin Er gott zü vordrist zü lob vnd Ere, auch gemainem nutz zü güttem. dardurch der merklich vncosten. so bissher auf die werch der Orgeln jrer vnbestandigkeit halben yezüzeiten gangen ist. verhütte werdt. in ainen druckh. solhs meniglich zü offen waren, zü bringen willens sey. Vnnnd damitt Er dann destfügklicher ainen geschickten Püechtrücker. der berürt sein püechlin vnnnd werch mit ainem scharffen vnd leslichen puechstaben correct drücken, vnd Er alssdann seiner arbeit vnnnd mühe mitt verkaüffung derselben etwas ergetzlichait haben müge. Vnns diemütiglich angerüffen vnd gebetten. jne mit vnnser keyserlichen freyheit, das ime in Zehen jarnn den negsten, nach dato dits vnnsers briefs volgend, niemands on sein wissen vnd zügeben obangezeigt sein aufgericht werch puechlein, oder anders als Tabulatur, vnnnd dergleichen zü den Orgeln, vnnnd anndern Saitenspillen dinstlich. so er in kurtz auch auff zü richten, vnd an den tag zübringen willens sey, nachdrückhe, gnediglichen züfürsehen. Das wir dann auss obangetzaigten vrsachen vnnnd sonnderlich zü fürdrung des gemainen nütz zütün genaigt sein. Vnnnd emphelhen demnach Euch allen. vnd Ewer yedem besonder ernstlich gebietend, vnd wellen. daz jr bemelten Maister Arnolden Schlicken Organisten. bey vorbestimbter vnnser gnad vnd freyhait. von vnnsern wegen vestiglichen hanndthabet, vnd nicht gestattet, das die vorberürten sein werchpuechlein, vnnnd anders, wie oben begriffen ist, in ob

(5. Seite.)

benannter zeit, on sein wissen zü geben oder vergonnung durch yemands nachgetrückht, oder wo dieselben in welscher oder ander Nation aüßerhalbten Ewrn gebietenn, oder verwesungen getruckht, kains wegs verkaüfft werden, noch des selbst auch nit thut. Sonder die auf gedachts Maister Arnolds Schlicks. oder des drügker. so Er hierjun zügebraüchen fürgenümen hat, anlanggen vnnnd begern allenenthalben nemen vnnnd zü käuffen verbieten lasset, vnnnd dermassenn handelt, damitt zühanndthabung vorangetzeigter vnnser freyheit, annder handlung nicht nott werde. Daran tüt jr vnnser ernstliche meynung. Geben in vnnser vnd des Reichs Stat Strassburg, am dritten tag des Moneds Aprillis. Anno domini Funffzehnhundert vnnnd im Aindlifften, Vnnser Reiche des Römischen im Sechszwaintzigsten, vnnnd des Hungrischen im ainvnndtzwaintzigsten jarenn.

Per regem
pp m

Ad mandatum domini
imperatoris proprium.
Serentiner. sszt.

(6. Seite.)

Undanckbarkeit, als die alten weisen schreiben. ist für andere laster zü schelten. So aber ich Arnolt Schlick, der Pfaltz diener vnnd vnder andern Organisten der minst²⁾, von dem almechtigen ein mensch, vnd (als Tullius schreibt) nit mir allein erschaffen, mich erken die zeit, meins alters, nit zü genugsamen danck, noch lobe gottes verzert, auch von manchem menschen gaistlichen vnd weltlichen, hohen mitteln, vnd niedern stende. Sonderlich von weiland, dem durchleüchtigen hochgebornen Fürsten vnd hern. hern Philipssen, Pfaltzgrauen bey Rhein, vnd hertzog in baiern des heiligen Römischen Reichs Ertzdruchsessen, vnd Chürfürsten, loblicher gedechtnüss, Auch itzt her Lüdwigigen Chürfürsten, hern Philipssen zü Freisingen, hern Jobansen zü Regenspurg Bischoffen, hern Friderichen formündern, frawen Elisabethen, Marggreffin zü Baden. vnd andern yren brüdern vnd schwestern, Pfaltzgrauen, vnd Pfaltzgreffin bey Rheyne, Hertzogen vnd hertzogin in Baiern, meinem gnedigsten vnd gnedigen hern, Frawen vnd frewlein, söndern gnaden gunst nutz vnd fürderung entpfangen, hon ich geacht, das ich billich mein vbrige zeit (Dieweil auch ein menschen der wyll für andere thier sein) sich zü befeissent nit schweigen sein zeit zuuerzeren als vnuernunftige thier, die von der natur, das haubt zü der erden neigen vnd der gehorsame des bauchs leben, gezimpt damit ich ein mensch, vnd entpfangner gnade vnd gutheit danckberer gesehen werde, zü keren, in ein wercke da

(7. Seite.)

durch got gelopt, vnd geert, ehe ernanten meine gnedigste, vnd gnedige hern, frawen vnd frewlein vnd allen christlichen menschen, ergetzt vnd erfreüt, auch andere, von got vnd der natur hoher begabten der kunst gewisser, vnd erfarnen, des so ich vnuollkomenlich gesetzt, zü bessern, ergentzen vnd volenden dar zü mussig geende, künstgirige leüt. neü materien verdrossen heit des lesens, hinzulegen, zü lessen gereitzt werden. so dan alle menschlich krafft in verstentnüss, vnd dem lyb Rüen³⁾, deren eins vnss gemein ist, mit den Engeln, das ander mit vnuernunftigen thiern, acht ich dieweil auch menschlich leben kürzt, obernanten meyne gnedigsten vnd gnedigen hern, frawen vnd frewlein, auch mir yrer gnadenn wenigster diener zü gedechtnüss, das so in jrer vernunft stet, doch jns werck brocht vnd darauss dasselbig reguliert werden moge. zügebrauchen sein. Dem selben vnnd vnuiderreiben vnstrooflichen der vbertreffender Cristenlichen lerer

2) der Geringste, Unbedeutendste. 3) den Leib ausruhen.

Hieronimi aurelij Augustini. Ambrosij. Gregorij Ignacij Cassiodori. Basilij, vnd ander auch der alten konig, Fürsten vnd hern, vnnd viler, noch lebender, Edeln hochgelerter, fürbundigen, vnd vbertreffender leüt zeugniss noch. deren etlich die music beschreyben etlich gebraücht haben, vnd nit wenig noch vben. Hon ich züpfantzung eins thails, der lobwirdigen Edeln vill süssen, vnd gewissen music, die do ist noch aller lerer vss sprechen, vmb yrer erfinder fürtreffender leüt, auch der neün synnreichen weibsperson willen müse genant, von den die gesagt wüdt, yren vrsprung

(8. Seite.)

hon, billich zü eren, vnd dan von wegen yrer gewissenheit, da von Boetius, sie sagt sein ein ware frundin der gleicheitt vnd eintrechtigkait, ein feindin der vngleichait vnd widerwertigkait. sie ist auch billich vnd hoch zü eren vmb yre wirglicheit, die züm gotsdienst. Auch zü ernst, vnd schimpff in götlichen amp-tern. noch der lere Dauids in kriegem, Schlachten, Fridmachen freiden, anneme. Erquickt vnd erfreiet. Item sie senfftütiget die zornigen. Bringt wider den synulosen yr vernunft. als von dem artzet Asclepiade geschrieben wirt, treybet auss die bösen geist. als David mit der harpffen Primi Regum sedecimo. Sie treybet auss die vnkeuscheit. als man schreibt Pithagoras durch die music. ein jüngling böss vnzimlich lieb benommen hab. Als auch Guido melt, die music ist nütz alle menschen eins iglichen alters vnd sonderlich ein freindin der natur, welch sie sterckt vnd yr hilfft. Dorumb sie genent wird ein artzney des leips vnd der Sele. Ist gut den jungen, scherpfft vnd macht geschickt die ingenia, heilt vnd artzneyt die gebresten des leips. Als Tales Cretensij durch die süsse der harpffen die pestilentz vertriben, vnd die wüteten menschen zü rügen bracht hott. Arestotiles sagt, die musik macht wol geschickt ein landtschafft, bringt wider die gefallen vnd verzweyfelten, sterckt die wegfertigen, macht werloss die mörder, vnd miltet den schloff. Schwermütikeit trawrigkeit vnd alle bürde, nit allein den menschen, sonder auch vnuernünftigen thiern, gefögeln, pferden vnd andern. vnd fürnemlich die aller bequembst versenung menschlichs gemüts. ist vss vil

(9. Seite.)

erfarung vnd der music grund fliessende vrsachen nachgeschriebenn Büchlein gesetzt, vnd etlich Regel züsamen brocht zü machung vnd reformirung der Orgell. die das fürgeendst Instrumenten der music am mainsten stimmen als sechs oder sieben von einem menschen fündend. Pfüglich in kirchen züm lob gottes, erleichterung Chorgesangs, vnd erquickung menschlichs gemüts vnd verdross, gebraucht mit hohem vnd schwerem darlegen vnd costen erzeugt. vnd doch leichtlich durch vnwissenheit verseümpft, ver-

derbt, vnd etwan aller cost vergebenlich vff gewent würdt. Durch wellich Regel, so die ym anfang vnnnd bereitung, auch mittellung, vnd wolfürung eins iglichen wercks der Orgell. rechts verstands, zügemüt gefast, vnnnd sich der selben gebräucht, gehalten, vnd yedem sein recht proportz geaiget ⁴⁾ würdt, das werck onzweyffel mit abschneidung viler onuerttürftiger arbeit, Costen vnd kürtzierung der zeitt geroten annem ⁵⁾ gefellig vnd gelopt, vnd befündtlich darauss die frucht dieser Regell erschnen, Und ist das büchlein getailt in zehen thaill, meins bedunckes, fast fruchtbar zü wissen, dann wellichs werck, dieser mangelt, wurt nit billich gelopt. demuthiglich bitten alle die lesende mir sollichs nit züuerargen Sonder wo ich etwas missformigs, vnnnd straffwirdigs vbersehen nit genugsam angeblickt het, als ich dan nit vill werck gesehen hab etc. Iren fleiss zutün dasselbig züerfüllen vnd bessern, mich auch bey jnen selbs vnd andern gnediglich, günstlich vnd freuntlich entschuldigt vnd befolhen zü haben.

(10. Seite.)

Das Erst Capitell. Sagt wie die werck noch gelegenheit der kirchen, gestellt sollenn werden, zü dem gehör, dem gesicht. vnd yr selbs langwirigkeit.

Das Ander Capitell. Sagt von der mensur der pfeiffen, ein gutte chormoss, bequem darnach zü singen. vnd den Organisten zü Spiln.

Das Drit Capitell. Lernt die Werk den Organisten brüchlich ⁶⁾ zü machen, wie nun dieser zeitt pfeglich ist.

Das Vierd Capitell. Sagt von eigentschafft der pfeiffen vnd des metals.

Das Funfft Capitell. Von den Registern.

Das Sechst Capitell. Von der mixtur oder locatz. ⁷⁾

(11. Seite.)

Das Siebendt Capitell. wie ein iglicher chor in ym selbs vnd dan sie gegen einander sein sollen.

Das Acht Capitell. wie vnd zu welcher zeytt man des werck stymmen soll.

Das Neundt Capitell. Sagt von der laden des wercks.

Das Zehendt Capitell. Sagt von dem windt vnd den belgen etc.

(12. Seite leer.)

(13. Seite.)

Das erst Capitell. Das man warnem wo das werck zü stellen sey, das es an allen örtten der kirchen zimlich gehört werd nit zü ferre ⁸⁾ von dem chor als man dan in etlichen grossen kirchen findt, das die person so do singen kömerlich hören mögen. ob

4) zuertheilt. 5) angenehm. 6) brauchbar. 7) Aufstellung, Zusammenstellung. 8) ferne.

der organist chorgesang oder anders spill. Nemlich so er die register yedes allein, der dann etlich schwach sein vnnd nit das gantz werck brucht, des gleichen der organist khüm vernemmen oder hören mag den priester an dem altar was er sing, oder wan der gesang auss sey. dar vff dan dem organisten gebürt an zufahen. Als vff das Gloria⁹ in excelsis. vff die epistel, zü zeitten das Patrem. das Offertorium. vff die Prefatz. das Sanctus etc. Vnd so es an der gebew oder geschicklichkeit halb der kirchen. Auch zü dem gesicht steen mag, ist es zirlich vnnd meer löblich⁹), dann wie woll die orgeln fürnemlich dem gehör vnd gottes lop, die himlischen ding dobey zü betrachten. Auch zü hilff den götlichen⁹ sengern gemacht werden, ist es doch nit dester mynder. Auch ein zier der kirchen, so es ein recht ansehen hat, von ziemlichen figurn vnnd gemelen zü andacht reizende. nit leichtfertig. liderlichen bossen. Als in kurtzen jaren in eym kloster betteller ordens gemacht gewest ist. ein bildt eins münchs gestalt zimlicher gross, das vn der der orgeln so man dar vff spilt zü einem fenster vss feldt, ongeferlich biss an den gürtell vnnd dan widder hinein schnappt, gantz züm gesicht. darabe¹⁰) jung vnd alt, man vnd frawen offt erschrocken. eins zü fluchen das

(14. Seite.)

ander zü lachen bewegt werden, das billich in kirchen. vnnd sonderlich bey den geistlichen vermeydten bleiben solt, des gleichen die Roraffen angesichter weyte meüler vff vnd zü geende, mit langen bertten. vnd gantze bildt die auff deschen schlagen¹¹), seltzam weiss treyben. Auch vmblauchfendt stern mit schellen klingen vnd anders etc. gehört nit in die kirchen, aber wo vnser hergot kirch weyhung helt, richt der teüffell sein schragen darneben vff, was lons nün die erfekten so das volk an andacht vnd guten wercke hindern vnd zü bösem reitzen geb ich yren beicht vettern züermessen. Es wer en nott leüss¹²) in beltz zü setzen, oder dib in Franckforter mess zü schicken sie kommen selbs, ee dan man yr begert. Auch ist an züsehen ein bequeme stat¹³) eins¹⁴) wetters halb, als feucht maüren, gewelb vnd fenster, oder traüff so von einem dach in das werck fallen mag. als kürztzlich an einem end geschehen vnd das werck verderbt ist. Auch der belg halb das die nit bloss vnder eim dach daruff die son leidt¹⁵), gelegt werden. do von dann das leder baldt dürr, erspart, hert vnd vn-

9) d. h. Und so es an dem Gebäude (d. h. an einer Wand des Gebäudes) oder passenderweise in der Mitte der Kirche (d. h. mitten an der Westseite des Schiffes), auch dem Beschauer in der Kirche zugewendet stehen kann, so ist dies zierlich (d. h. zielt sehr) und löblicher. 10) darob. 11) auf die Tasche schlagen = mit der Geldtasche klimpern. 12) Läuse in den Pelz setzen. 13) Ort. 14) handschriftlich in „des“ korrigirt. 15) Sonne liegt.

ertig wirt. vnd dester ee bricht. Wo sie aber mit fugen nit anders ligen mögen mag mann vor die Son batüwen als ein eigen belg kamer, oder anders, da durch die belg vor der sonnen vnd vngewitter behut werden.

Item den Stüll oder fuss, vnd das Corpus so die schreyner machen zü versorgen, das es nit weych oder sich senck beseitz oder vndersich, so die lad vnd pfeiffen darüff kommen, als vnlangs in ein Thumbstift ge-

(15. Seite.)

Das. ij. blat.

schehen ist, vnd vill vnrads vnd vnkosten daruss erwachsen.

Das Ander Capittel. Ist das werck dem Chor gemess vnd gerecht gestimpt sey zü dem gesang. dan wo sollichs nit bedacht wirt müssen die person oft zü hoch oder zü nieder singen. der organist woll dan durch die semitonien ¹⁶⁾ spiln. das doch nit eim iglichen gelegen ist. Wie aber sollich moss der pfeiffen sein soll dem gemess vnd Chor gelegen zü singen, ist nit gantz oder eigentlich zü geben, vrsach mann singt an eim ort höher oder nydderer wann ¹⁷⁾ an dem andern. darnach die person klein oder gross stymmen haben, yedoch so die lengst pfeiff, das Fa ¹⁸⁾, vnder dem gamaut ym pedall yr corpus von oben biss vff den fuss disser leng hiebey bezeichent, sechzehen het ¹⁹⁾, solt meins bedunkens ein geschickt gut Chor moss sein. Mecht mann aber ein werck ein quint grösser, so musst das cfaut ²⁰⁾ in dem pedall sollich leng haben. So man aber noch ein grosser werck haben wolt, mag man der ytz bestimpten mess eins ein octaff grösser machen. Vff den fast grossen wercken daran die grösst pfeiff. XX. XXIV. oder. XXX. schuch leng het, als dan an vill ortten funden werden. Wellich die alten mit grossen kosten gemacht haben. ist nit woll vnderschiedlich zü hören was daruff gespilt wirt von wegen der gröss vnd menge der pfeiffen sein. Auch die organisten nit so frey oder geweltig yr vbung daruff züuolbringen als vff den kleinen wercken des starcke halb des winds. der grossen ventill.

16) Halbtöne oder Kreuze und Be. 17) wie. 18) grosse F. 19) Neben dem Texte dieser Seite ist ein Strich von 4 $\frac{1}{8}$ Zoll rhein. Länge mit folgender Anmerkung: „Diesser leng sechtzehen gut chor moss. f. oder C. das corpus on den fuss

20) gamaut	= G	ffaut	= f	dlasolre	= \bar{d}
are	= A	gsolreut	= g	elami	= \bar{e}
bmi	= H	alamire	= a	ffaut	= \bar{f}
cfaut	= c	bfabmi	= b	gsolreut	= \bar{g}
dsolre	= d	mi oder b dur	= h	alamire	= a
elami	= e	csolfaut	= c		

(16. Seite.)

der schern. der züg²¹). der wellen, vnd ander so sollich beschwert als die orgelmecher vnd organisten wissen etc.

Item zü einem zimlichen kleinen werck wolt ich raten die vorig bezeichnet moss. XVI. theill, das fa vnder dem gamaut. vnd zü einem grössern werck die grösst pfeiff noch einst als lang²²) etc. Vrsach das sich der merer theill Chor gesangs endet in grambus²³), als in primo tono²⁴). Salve regina. Ave maris stella. Gaudeamus. Vita sanctorum. vnnnd ander der gleichen werden dem Chor gerecht vss dem gsolreut. vnd sein gar gut frey bass contra also zü machen vmb seiner octaff willen. in das gamaut zü clausulirn vnd finirn. Auch den Chorgesang in dem pedall zü füirn²⁵) das sunst vff den andern wercken So ytz bestimpter gesang vss dem dsolre gespilt werdenn muss²⁶), sich nicht als woll schickt des pedals halb vber sich in die octauen, vnnnd höher darnach der Chor gesang vnd ander bass contra zü zeitten begern, der organist wöll dan das manuall züm vorthell nemmen wie dan vsswendig²⁷) deutscher lanndt biss her manualiter zü spiln der brauch gewest ist. vnd doch sich nün pedaliter auch fleissen, das nit on vrsach, dan vnmöglich ist ein iglichen gesang mitt vill stymmen gerad vnnnd gerecht ferre²⁸) von einander so volkommen allein mit den henden zü machen, als so man das pedall zü hilff het daruff man zwo oder drey stim, dar zü ym manual fier, das sein miteinander Syben spiln mag Wellichs manualiter on das pedal vnmöglich ist. nit allein also vill stym sonder auch manch liedtlein.

(17. Seite.)

Das iij. blat.

vnd ander gesang mit drey oder vier stimmen nit volkhommen manualiter zü machen, als sie gesetzt sein dan sie etwan zü ferre von einander geen das ein stym der andern nachlassen, vnd zü zeitten gantz schweigen muss, vmb das man sie mit den henden nit herreichen mag. Auch etwan zü nae bey einander das die stymmen züsammen kommen zwo vff ein clauem, das dan als volkhommer gescheen vnd iglich stym yren eigen ton bass haben

21) Züge. 22) noch einmal so lang, also 32 Fuss. 23) Ein unbekannter Ausdruck; zieht man aber das Folgende in Betracht, so kann damit nur die Transposition des tonus primus nach der Quart gemeint sein.

24) Primus tonus	= dsolre	Quintus tonus	= ffaut
Secundus tonus	= Are (are)	Sextus tonus	= cfaut
Tertius tonus	= elami	Septimus tonus	= gsolreut
Quartus tonus	= Hmi	Octavus tonus	= dsolre

25) führen. 26) d. h. wenn das Orgelwerk eine Quint tiefer steht, so muss der Organist statt aus g in d spielen, doch reicht das Pedal hierzu in der Höhe nicht aus und der Organist ist gezwungen die höheren Basstöne auf dem Manuale zu spielen. 27) auswärtig, also im Auslande. 28) fern, weit.

vnd gehort werden mag, so das pedall vnd manuall zü sammen gebraucht werden.

Nün ferrer in diesser pfeiffen moss schicken sich auch die Chor gesang tercij toni dem chor woll, vss dem alamire. als Pange lingua. A solis ortus. Hostis herodes etc.

Item Chor gesang quinti toni, der fast in sein octaff hin vff geet, oder darüber fügt sich dem chor woll, vss dem ffaut, welcher gesang aber nit in die höch stig, sonder in der nyeder blib, als sexti toni. der wirt gerecht in bfabmi, des sich dann ein geschickter organist noch gelegenheit der stymmen der person woll zü halten weiss etc.

Item Chor gesang Septimi toni. ist auch bequemer der eeberürten²⁹⁾ mensur dann der andern mensur ein quint grösser, dan sollicher gesang in diesser pfeiffen moss vff der orgeln vss seiner rechten natürlichen noten vnd schlüsselen, gsolreut begert gespilt zü werden als auch primus, wie vor gesagt. Wellich beyd ytz gemelt ton also vss einer noten, dem Chor in einer höhe

(18. Seite.)

vnd stym gar woll vnd bequem zü singen sein, das do aber in der andern mensur den organisten primum vt septimum tonum vss einer noten zü spiln nitt also gelegen ist, dann sie machen septimum vss dem cfaut, aber primum tonum nit vss gemeltem clauē, sonder vss dsolre, do muss der Chor ein ton höher singen. Des gleichen wellich tercij toni sein auss dem alami³⁰⁾ ist auch noch eins tons höher, der organist woll dan per fictam musicam spiln³¹⁾ mi in dsolre das woll gut zü thun. aber nit eim iglichen gewon, des halben in alle weg die erst vnnd vor bezeichent mensur der pfeiffen besser ist, dann do pleibt primus vnd septimus in eim ton gsolreut, vnnd tercius in alamire nit meer dann eins tons höher, vnnd sein ytz gemelt drey tön vss genannten zweyen clauibus fast gut in organis zü spiln vnnd dem Chor darnach zü singen³²⁾. Wo aber ein gesang tercij toni zü vill in die octauen

29) oben angeführten Mensur, nämlich den tiefsten Ton im Sechszehnfuss.

30) handschriftlich korrigirt in „elami“. 31) Kreuze oder Be anwenden.

32) Dieser Abschnitt ist für die Kenntniss des praktischen Gebrauchs der alten Tonarten von der grössten Wichtigkeit, und da das Verständniss desselben einigermaassen erschwert wird, so gebe ich den Inhalt in Kurzem wieder. Schlick spricht von zwei Stimmungen der Orgel, das eine mal in C, das andere mal eine Quint tiefer, also in F. Die erstere Art zieht er der zweiten vor, da der Organist in der zweiten entweder mit vielen Versetzungszeichen spielen muss — „was nicht jeglicher gewöhnt ist“ — oder in einer ihm bequemeren Tonart spielt, welche aber den Sängern zu hoch liegt. In der ersteren Stimmung wird die erste und siebente Tonart in g gespielt, nämlich der erste Ton: g a b c d e f g und der siebente: g a h c d e f g. Steht die Orgel aber eine Quint tiefer, so spielt der Organist den siebenten Ton aus c, den

hinuff oder höher schwebt mag ein organist den selbigen vss dem elami machen etc. Es sindt vill gesang die hoch vnd nieder geendt eim duodecima tredecima von einander. Als etlich sequens. Laus tibi christe. de sancta maria magdalena. Psallite regi. de decollatione Johannis baptiste, vnd ander dergleichen etc. mit den selbigen weiss sich ein organist noch seins Chors stymmen woll zü halten.

Item Etlich chor gesang, als der sequens de. sancta trinitate. Benedicta sit semper etc. vnd Et in terra summum, so man bey vns pflegt zü singen die geendt forn³³⁾ an ad septimum vnd octaum tonum vnd zü letzt ad pri-

(19. Seite.)

Das. iiij. blat.

mum tonum. Das ist eim organisten vill bequemer vss dem gsolreut, die weill er, mi vnnd fa³⁴⁾, in bfabmi hatt zü spiln. Als auch gedacht Chor gesangk in yn habenn. Dan das er solt sollich gesang vss dem cfaut do auch wirt, mi vnd fa, elami oder in dsolre in mi vnd fa, in ffaut, machen. Er sei dan als einem meisterlichen organisten not vnd liplich ist fertig vnd gewiss durch die semitonien zü spiln. des sich doch nit ein iglicher geübt hat. hierumb aber meer die oft genannt vnnd erste mensur besser ist dann die ander etc.

Item zü dem Andern. So ist eegemelt mensur besser wan³⁵⁾ die ander, der vrsach das der Chor gesang nitt so vill in das alamire clausulirt als in der andern moss, dan das post sol ist zü hoch in der clausell in alamire, wie hiernach ferrer gemelt wirt³⁶⁾.

Zü dem dritten. So ist die erst moss hieuer bezeichnet die best Etlicher neüwer register oder pfeiffen halb, als rüss pfeiffen³⁷⁾. oder kromphörner vnd Trommeten so man nün macht, wellich in der andern moss zü nyeder oder zü hoch werden, nit yr recht proportz haben mögen. als in diesser etc. Wann man die werck der orgeln eins tons höher oder nydderer ziehen möcht dann sie an yn selbs vff recht chor moss gestympt sein, wer dem organisten vnd den sengern ein grosser vorteill. als ich dan hör sagen Vor jarn ein positiff also gemacht sey, aber gantzer volkhom-

ersten aber in d. — Den dritten Ton: e f g a h c d e spielten die Alten meistens in: a b c d e f g a, stand die Orgel aber eine Quint tiefer, so mussten sie ihn in: fis g a h cis d e fis spielen. Den fünften Ton: f g a h e d e f spielten sie in seiner natürlichen Lage, dagegen den sechsten Ton in: b c d e f g a b. 33) beginnen vorn. 34) die Halbtöne in der Tonleiter. 35) als. 36) d h, wenn der Gesang in der zweiten Stimmung nach a modulirt, so muss bei der Schlusscadenz das g in gis verwandelt werden („post sol“), welches auf den Orgeln stets zu hoch ist, wie später gemeldet wird. 37) Weiterhin werden sie auch „rausspfeiffen“ genannt, und ist wahrscheinlich damit das Register „Rauschwerk oder Rauschflöte“ gemeint, welches statt des eigentlichen Tones die Quint und Oktave hören lässt.

mener werck weiss ich nit meer dan eins das sampt seinem positiff zü rüch zwey manualn

(20. Seite.)

pedaln, vnd allen registern der vill vnnd seltzam sein, eins tons höher, vnd wider ab zü ziehen ist, so oft eim geliept vnd nottürfft des Chors vnd anders gesangs erheischet, Wellichs werck ich teglich also braüch etc.³⁸⁾. Sonderlich dienen sollich werck woll, vnd sein nodt ad cantum mensurabilem, do eigen Cappellen vnd senger sein, dan es begibt sich zü zeitten das zwo messen oder meer. des gleichen magnificat. vnus toni. vnd auss einer linien oder spacio gesetzt sein, vnd doch eyne eins tons oder einer notten höher begert gesungen zü werden dan die ander. als so beide messen als sextum tonum in csolfaut gesetzt weren, vnd der bass contra in der ein mess in dem cfaut blieb, nit tieffer ging. vnd in der andern mess der bass contra ein ton oder meer niderer ging als in das fa in bmi, oder are³⁹⁾. wo dann das selbig den bassisten zü nider, vnd jr stym gegen den andern zu schwach wern. würd not gemeltem gesangs eins tons höher zü singen. So nün die erst mess anderer oder des gesangs bass contra in dem cfaut bleibt vff eim werck vss dem csolfaut zü spiln gerecht würdt, so begert die ander mess in das dlasolre, das würd, fa. in dlasolre, mi. in dem semitonien. post ut, oder cis. sein, re, in bfabmi. bdür, vnnd das vt, in alamire. das aber etlichen organisten schwer vnd vnmüglich zü thün ist, die sich nit dar vff geben haben. So man aber das werck wie obberürt eins tons höher ziehen möcht, so spilt der organist vss dem csolfaut, vnd sein doch die pfeiffen von dlasolre etc.⁴⁰⁾.

(21. Seite.)

Das. v. blat.

Das drit Capitell lernt wie zum dritten ist ein sonder vffmercken vnd fleiss zü han die werck den organisten brüchlich zü machen, das das clauir des manuals xxiiij. clauies naturales, vier fa, vier la, das sein dry octauen, vnnd ein tertz perfect⁴¹⁾, hab vnd nit zü weit, oder so breyt clauies als die alten vor zeitten gemacht haben oder auch so eng vnd schmall wie dan in etlichen wercken funden werden, als solten kinder dar vff spiln, sonder ein rechte moss. das ein organist. vier, oder funff stym dar vff

38) Schlick spricht hier von einer mechanischen Vorrichtung wodurch man die Klaviaturen und das Pedal um einen Ton höher verschieben kann, so dass man ohne zu transponiren statt aus c in d spielt. 39) b oder a. 40) d. h., will man eine Messe in c einen Ton höher spielen, aus d (dlasore), so muss man das f und c in fis und cis verwandeln, wenn die Orgel nicht etwa jene oben erwähnte Vorrichtung hat. 41) vier f und vier a, das sind 3 Oktaven und eine grosse Terz, dies giebt den Tonumfang vom grossen F bis zum zweigestrichenen a.

machen, vnd ein octaff frey greyffen mag Welcher octaff disser leng hie bey verzeichnet zwo thünt⁴²⁾).

Item die clauies rechter leng, dann wo die zü kürtz sein. vnd man zwo oder drey stym mit einer hendt nemlich vff den semitonien greiff, ist das bridt⁴³⁾ vber dem clauir zü noe⁴⁴⁾, vnd hindert ein sere. Hierumb nott ist das die semitonien vnd ander clauies naturales jr recht leng haben für das bridt hervss. Welliche leng beyde hiebey gezeichnet sein. Die kürztst der semitonien moss. vnd die lengst der andern schlüssell moss vor dem brit hervss etc. Vnnd sollen die semitonien nit zü dün oder zü nieder sein, als wan man sie rüre das sie vnder die andern clauies geen, oder ynn⁴⁵⁾ gleich sein. sonder das sie höher vnd vber den andern bleiben, als so man sie griff das sie dar neben nit mit gedruckt werden, vnds lauten. So soll mann das clauir nit hart oder zech⁴⁶⁾ machen, sonder lind vnnd weich, so vill es leiden mag. dar zü helffenn vnd fordern woll klein leicht wellen, des gleichen lang schmal ventil, von dennem holtz⁴⁷⁾, vff beyden seitten, gegen dem rüch zü gewelpt. vnd scharpff, die

(22. Seite.)

mag der windt nit so hart halten als die breitten.

Item die schern nit zü kurtz, dann sie machen das clauir hart vnd zech.

Auch ist war zünemmen die züigk an die ventil zü hencken, das sie wol vffgeen, vnd doch das clauir nit tieff werd, wan es forn an die ventyl gehenckt ist, so muss das clauir tieffer geen. dan wan es ferrer hindersich anhangt. es ist auch an dem ermlen der wellen acht zü haben, so die löcher dar jnn die züigk hangen ferre hindersich an den wellen sein, das des clauir ye zecher vnd hertter wirt, vnd ye ferrer hinfür von der wellen, ye leichter vnd geringer es wirt. des gleichen haben die züigk an dem clauir zü hencken auch jrn forteil, lang clauies in rechter wag angehencket, vnnd leicht züigk von dennem holtz solichs helffen einander daz es brüchlicher, nit so tieff vnnd hardt wirt. als wann mann der ding nit acht nympt, vnnd ist doch fast nott, das man dar vff spiln, vnd die gerede⁴⁸⁾ machen mög, wie dan nün der bräuch vnd vbung ist, das billich die orgelmacher bedechten, vnd die werck mechten breüchlich zu dem dar zü sie dann geordent sein, mit den fingern dar vff zü spiln, nit also hardt, zech vnd blochet⁴⁹⁾, als solt man mit faüsthammern,

42) Am Rande dieses Blattes sind drei Striche angemerkt von 2½, 4½ und 3¾ Zoll rh. Länge. Neben dem ersten steht: „Semitonien leng“; neben dem zweiten: „Claues naturales“; neben dem dritten: „Diesser leng zwo ein octaff“. 43) Brett. 44) nahe. 45) ihnen. 46) zähe. 47) Tannenholz. 48) Geräthe, Werkzeuge. 49) hölzern.

oder bender klüpfeln darvff schlagen. ein iglich Ding ist vmb seiner wirkung willen, einem messer das nit schneidt, oder einem pferdt das nitt geet, sein vnnütz vergebenlich nit zü brauchen zü dem dar zü sie erschaffen, oder gemacht. Also auch mögen die organisten wie gut sie sein, das yhennen⁵⁰⁾ so

(23. Seite.)

Das . VI. blat.

sie von got vnd der natur empfangen, vnd durch yr gross villfaltig arbeit erlangt haben, off sollichen vnerdtigen blochwercken nit volbringen, sonder müssen oft vnderwegen lassen, das künstlich, ynen erlich vnd zü nütz, forderlich auch andern ergetzlich, vnd lüstig zü hörn wer, der an sie vss vnwissenheit künstloser orgelmecher gehindert werden, wern den selben yr werckzügen do mit sie das brott gewinnen, so vnbrüchlich, als yr orgeln den organisten, sie würden anders lernen auch meer fleiss thün.

In dem Pedall gut frey bass contra zü machen ist meins bedunckens nott, auch genüg ein duodecima fa, vnder dem gamaut, vnd csolfaut zwelff claus naturales⁵¹⁾ sampt den semitonien dar zwischen, vff denen mag man vil zü wegen bringen, nit allein, ein stym hoch vnd nieder, sonder auch. zwo oder drey stym miteinander, das fast gut voll vnd brechtlich⁵²⁾ mit andern stymmen zü hörn, ist auch liplich allein one das manual. zwo stym in dem Pedal, vnd dan wider in dem manual, vnd also eins vmb das ander, nochdem der organist verstandt vnd vbung hatt, das zü moll ein frembde lustige enderung dem gehöre, vnd wiewol etlich meynen das die nidersten zwen semitonien post fa, vnd post gamaut⁵³⁾, nitt nott seyen, soll mann sie doch vmb derselbigen willen nit vss lassen, sie wollen ein gute steg vmb zweyer staffeln willen verhöhn⁵⁴⁾. Welche der meynung sein, vnd also daruon reden, die jrren das ich yrn etlichen selbs gesagt vnd gezeigt hab, wie die ytz gemelte claus zü dem chor gesang, vnd sunst zü guten

(24. Seite.)

consonantzen wol dienen, das sie aber nit ein iglicher zü brauchen weiss, darumb soll man sie nit vnderwegen, vnnd eyn gantz werck vnuolkhommen machen lassen. gleich als so einer ein hauss mecht der nitt frucht oder treydt⁵⁵⁾ vnd wein zü halten vermöcht. vnnd wolt darumb kein keller oder speicher darein machen. Welcher dan noch ym das hauss besess, der den keller vnnd speicher oder kasten woll zü brüchen wesst da mit sein radt zü schaffen, der müsst des vorigen besitzers vngeschicklicheit entgelten, vnd wer das hauss nit volkhommen etc.

Fürter sollen die claus im Pedal nit zü dün vnnd schwach

50) jenen. 51) also vom grossen F bis zum eingestrichenen c, nebst allen Halbtönen. 52) prächtig. 53) Fis und Gis. 54) erhöhen. 55) Getreide

sein, das sie leichtlich brechen, als woll geschicht, sonder starck. von guttem holtz, als so einer, als sich zü zeitten begibt, wo der sess eng ist vber das claur geen müsst, das es die clausen leiden mögen etc.

Item die gedachte clausen sollen auch nicht zü kurtz oder seer lang, sonder einen geschickte brüchlichem mess sein, als das ein claus zwischen dem brit dar durch er geet vnd der ley-
sten hynden⁵⁶⁾ die vff ym leyt, diesser leng hienoch verzeichent funff het, ist ein iglichen gerecht⁵⁷⁾.

Item mach die gemelten clausen auch nitt zü eng, oder zü weytt, als sie an vill ortten funden werden, sonder ein zimliche gemeyne moss, yederman brüchlich, in welcher auch einer zwo stym mit ein fuss greiffenn mag. Also das drey clausen sampt den zweyen spacia dar zwüschen diesser leng hiebey gezeichnet, breit oder weyt sein etc.

Item das die clausen vnd die spacia nitt gleich breit

(25. Seite.)

Das. vij. blat.

sonder die clausen schmeler vnd nit zü breit als die spacia sein, vff das vnd der gleich soll ein orgelmecher sein sonder mercken haben, vnd yedem sein moss geben.

Item das es zwischen dem wellen brett vnden do die clausen des pedals durchgeen, vnnd hindersich gegen dem stul nit zü eng sey, ongeuerlich zweyer schuch weit das einer die füß hinder einander bräuchen vnd schrecken mag, in dem lauff werck, oder gerade vff dem pedall etc.

Item die semitonien ym pedal sollen vorn nit vber sich gericht, sonder leg⁵⁸⁾ vnd nieder, in der leng vor das brit hervss, als das vor bestimpt funff theil, der langen clausen, vnd nit gar so hoch als sie lang sein das dient wol zü scharpfen bass contra etc.

Item das bdür oder mi. in bfabmi, oben jm pedal vnder dem csolfaut⁵⁹⁾, sol nit ein langer claus sein. als sein octaff bdür vnden ym pedal, sonder kurtz vnd hoch, als die andern semitonien. so bleibt des bfabmi oder bmoll ligen wie das vnser fürfarn geübt haben, das auch ytz der zeit ein iglichen brüchlicher ist, nachdem bissher wenig orgeln in dem pedal etwas vber das bfabmi bmoll gehabt haben, dann so ytz gemelt bmoll in der höh als ein semitonien, vnd das bdür in der nyder were als ein naturall gleich yren octauen vnden, wie ich dann in etlichen wercken

56) hinten. 57) Die an der Seite des Blattes angemarkten Längen betragen 7 Zoll und 2 $\frac{3}{4}$ rh. Zoll; neben ersterer steht: „Dieser leng drey clausen breyt im Pedall sampt yren spacia“; und neben letzterer: „Diesser leng fünf clausen jm pedal“. 58) nach unten. 59) h.

funden hab, würd es den organisten fast ungewon, vnnnd oft confusiones machen. sollichs züuermeyden, vnd vmb mynder vff-

(26. Seite.)

merckung oder arbeit sich anders zü gewen⁶⁰⁾ oder lernen ist die gemeyn form des stücks die best.

Item die clair des manuals vnd pedals sollen zimlicher höch vber einander sein, das der organist nit mit den knywen an das manual stoss. Nemlich so es zwey clair sein, ist das vnder etwas fast nieder das der organist sein raum nitt wol vbersich haben mag, sonder der lang schienbein hot, sollichs hoch zwischen dem pedal vnd manual, des gleichen wie hoch der stull sein soll, dar vff der organist sitzt, ist nit woll eigentlich zü zeigen, dann die person vngleich, einer grösser oder kleiner dann der ander, yedoch acht ich wann das oberst clair biss vff die clauus des pedals diesser leng hienach gezeichnet⁶¹⁾ sechs het, also das sie so hoch eins ob dem andern wer. es solt meins bedünckens einem man zimlicher gemeyner gröss woll bequem sein. So aber ein werck nür ein clair het, möcht man dasselb desto niederer rücken.

Wen zwey clair sein, vnd das oberst dem organisten so er vff dem stül sitzt, rechter höch also das gedacht clairs einer weich⁶²⁾ vnd gürtel gleich in der höh ist. acht ich woll geschickt sein etc. dann wo einer die hendt vbersich halten müss höher dan ym die Elnbogen sein kömpt es yn hartter vnd schwerer an, dann so es dem selbigen gleich, oder niederer ist etc.

Item den stul hoch genug, das dem organisten die füss vff dem pedal hangen oder schweben, dan wo der stül so nieder ist das ym die füss vff dem pedal ligenn

(27. Seite)

Das. viij. blat

das er sie all notten muss vff heben, der macht nit vill gerede oder lauff wercks in dem bass contra.

Item so die clauus in dem pedal in etlichen wercken zwen oder dry zwerch finger⁶³⁾ vber die erd ober den bodem geleit sein, vnd die leyst so hinden vber das clair geet etwan auch dick vnd hoch ist. Soll man die hoch von dem stul nit vff die erd, oder ytz gedacht leyst, sonder vff die clauus des pedals messen, diesser lenng hie bey fünff⁶⁴⁾.

Item der stull sol nit angenegelt, sonder beweglich sein hindersich vnd fürsich gegen dem clair zü rücken wie eim ighen

60) gewöhnen. 61) Die an der Seite angemerzte Länge beträgt 5½ rh. Zoll, nebst der Bemerkung: „Diesser leng sechss die höhe zwischen dem pedall und manuall“. 62) Weiche, Hüfte. 63) kleine Finger. 64) Die angegebene Länge ist 5 rh. Zoll, die Anmerkung dazu lautet: „Dieser leng fünff von dem pedall vff den stüll“.

gelegen ist. dann in etlichen wercken, so zwey oder dry clair haben. stehet das oberst so tieff jns werck hinein, das es komerlich zü herreichen vnd vnwercklich ist.

Item man soll die clair mit eim filtz oder leder vnderlegen das sie nit rossen oder bollern, mann hört zü zeitten die claus jm manual vnd pedal, auch die wellen vnd zügk meer mit yrem bossen vnd geschell wan die pfeiffen. nemlich so man vff schwachen registern spilt. das dient bass in die karwochen zü den höltzen glocken dan züm orgeln.

Item die clair sollen nicht hin vnnd heer weichen das eim etwas ein finger zwischen die claus khom, sondern stet bleib, vnnd ye zwischen die claus ein stift oder drat geschlagen sein, das die claus einander nit halten mögen. Auch so man tertzen vnd quinten

(28. Seite.)

dar vff greiff, das die gar⁶⁵⁾ zwischen vnnd dar neben nit mit gerürt oder gehalten werden, mit heülen, vnd mit yren stymmen die andern verderben, als an vilen wercken funden wirt etc.

Item steet wol wercklich vnd bequem die clair als das manual vnd pedal recht vber einander zü ordiniren vnd proporcioniren, dan wiewoll das pedal nit meer dan zwölf claus, den halben theil des manuals het, strecken sie sich doch mit yren spacia ferrer⁶⁶⁾ vss dan das manual. hierumb nott ist sollich an zusehen das der clair eins nit zü vill vff die recht, oder die linck seyt gericht werdt, sonder gleich. vnd das der organist, so vil möglich frey sitzen mög. sich nit krümmen, beseitz sein ding thon, sich behelffen vnd fortell⁶⁷⁾ suchen müss. Als ich dan vor zweintzig jaren in niederlandt an eim werck funden hab, dar an das pedal gegen dem manual also verrückt was, so einer manualiter spilt, vnnd das pedal dar zü brauchen wolt, felt es ym noch ander gemeyner vbung vnd bruch vmb ein quart das es höher vnd niederer läüt, vnd nit concordirt als es thün solt. Aber der organist an dem endt was des woll gewon, vnd fertig, wardt von andern geurteilt. er wolt es vmb der frembden willen also, vnd nicht anders haben, do mit er yn etwas für thet. etc. Wan der vnderst claus jm manual, fa. vnder dem gamaut kompt, oder steet vff dem are, jm pedal. oder zwischen dem are, vnd gamaut vnd der oberst schlüssell jm manual alamire, vff das bfabmi, jm pedal, oder zwischen bfabmi, vnd alamire, ongeferlich. so sein die clair meins bedunckens wol

(29. Seite.)

Das. ix. blat.

vber einander geschickt, vnd den organisten brüchlich vff beiden seitten, vnden vnd oben.

65) handschriftlich in „dar“ verbessert. 66) weiter. 67) Vortheil.

Monatshefte f. Musikgesch. Heft 5 und 6.

Das Fierd Capittel.

Das fierd capitel Sagt von den pfeiffen, die sollen nit dün vnd schwach sein, sonder gutter zimlicher dick vnd sterck das sie wirig⁶⁸⁾ sein mögen, vnnd sonderlich gut starck principaln dar zü dan des gleichen auch zü den andern pfeiffen zyn⁶⁹⁾ besser ist dan bley. Etlich nemmen etwan vmb minder kostens willen bley zü dem hindersatz⁷⁰⁾, meyn auch die selbigen pfeiffen sollen süsser von stymmen sein, dann die von dem zyn. ist gar ein klein vnderheit, dar zü auch das bley nit so wenig oder bestendig als zyn, dann das bley leichtlich von feuchtigkeite rost empfacht fallen löcher darein. Item es ist weich vnd mürb, dess halben jm ratten vnd meüss meer schaden thünt mit yren beissen vnd vmbstossen, wan dem zyn. Sollicher vnd ander vrsach halber das bley zü den pfeiffen Nemlich allein nitt nütz zü brauchen ist. Etlich myschen es vnder einander halb zyn vnd halb bley mynder oder mer wie iglichen gut, aber mich bedünckt so des bleyss mynder, vnd des zynss meer, oder eittel vnd gantz zyn so besser vnd wiriger wer, woll ist es hartter zu arbeiten vnd zü schneiden, wie dan an den pfeiffen not ist ab zü nemen vnd correct zü machen. so man sie stympt. des halben die orgelmecher hley oder das selbig vnder anders gemyscht gerner arbeiten vnd schneyden dan gantz zyn. Das sol man aber nit ansehen, sonder meer den nütz der kirchen vnd ander so den kosten legen.

(30. Seite.)

Item man kan den zyn auch herter vnd vester machen dan er von natur ist ob aber das selbig do hin zü brüchen sey, weiss ich nit, das sicherst will ich radten. gut engelisch zyn, oder saiffen zyn, oder obersstdorffer, die sein oft vnd vill gebrücht vnd bewert.

Item soll man sich fleissen die pfeiffen woll zü intoniren, das sie yr recht volkhommen stym geben nitt in die quint oder in die octaff fallen. nit pfisen, wispeln⁷¹⁾ halber lütten, oder gantz stymmen sein. sonder so man ein clauem mit ein finger rürt so snel oder gerad man mag ongeferlich, das sie frey angeen. vnd nit versag.

Noch dem sich aber die orgelmacher an den pfeiffen mit einer mensur brüchen. etlich kürtzer, die ander langer mensur. Als den fünfften, sechsten, den siebenden theill vnnd dar zwischen

68) dauerhaft. 69) Zinn. 70) Hintersatz hiess dasjenige Pfeiffwerk, welches in dem hinteren Theile der Orgel stand und ohne Registerzugverschluss jederzeit ansprach. Schlick hält dagegen einen Registerzug für nothwendig. 71) Zischenden Ton von sich geben, schlecht ansprechen.

meer oder mynder wie ein iglichen gefelt, ist die lang moss süsser dann die kürtz. Aber die kürtz moss geet belder an wen die lang. wolt ich radten wie ich vor meer⁷²⁾ gethon, vnd auch hab lassen machen. die principal in dem werck, wellichs register etlich nennen copeln oder fleitten. das ist, wan der hindersatz die zymeln,⁷³⁾ vnd anders alles abgezogen vnd die principaln allein geen, das in dem manual iglicher chor zwo pfeiffen hett egualn. Doch zweyerley mensur, eine etwas kürtzter dan die ander. So theilt die lang der kürtzen yr süsse mit, vnd hilfft die kurtz der langen, das sie miteinander angeen, vnd zü hören sein wie gerad der organist ist, das sünst khüm halber gehort oder verstanden

(31. Seite.)

Das. x. blat.

wirt. Wo sich die orgelmecher allein einer langen moss vnd nit sonderlich die selbig wol an zübringen fleissen etc. Als oft funden wirt das einer ein clauem ym manual oder pedal schier ein Aue maria lang helt, ee die pfeiff recht angeet, etwan gar nit. Dannocht in wercken die vnlangs gemacht, examinirt, geliffert, vnd vor gut dar geben sein, das do zü erbarmen ist der heiligen gut also gering vnd liderlich zü achten etc.

Das funfft Capittel.

Das funfft capittel Ist von den Registern, vill register zü machen sein nit löblich, nemlich die einander etwas gleich laüten. sonder soll man sich fleissen deryhennen die vnderscheidlich vor einander zü hören vnd zü kennen sein etc. Durch. viij. oder. ix. gut register. so die recht zü sammen gezogen vnd noch einander abgewechselt werden. mag man vill dem gehör ergetzen thon. etc.

Item vor das erst, die principaln. das etlich nennen koppeln, oder fleytten etc. Item ein octaff einer langen moss. oder so das werck fast gross wer ein doppel octaff.

Item vor das drit register, ein kürtz weit moss das etlich Gemsser hörner nennen. auch ein octaff vber die principaln, oder ein doppel octaff in einem grossen werck.

Item ein zymmell sol nit gross sein, als etlich machen, das man octauen und quinten, schier andern registern gleich hört. Sonder klein scharpff schneiden das man nit leichtlich merck was stym sie haben, das laüt zü allen registern wol. Item den hindersatz. Item das

(32. Seite.)

sechst die raüss pfeiffen. oder vff schallmeyen art. Item vor das siebendt ein hültze glechter. das ist seltsam vnd wunderlich zü

72) öfter, mehrmals 73) Zymbeln.

hörn. Nemlich in grambus. noch⁷⁴⁾ mein vrteill gleich dem haffen⁷⁵⁾ dar vff die freyen gesellen mit löffel spiln.

Das Acht, wer der zinck so er recht gemacht wirt, ich habs gehört das sie wol etwas vff zinkisch art lauten.

Es wirt auch eyn Register gemacht, soll sich den schweigeln⁷⁶⁾ vergleichen, wiewol die an gen, loss ich ander vrtheiln, doch mag mann teglich ein ding endern vnd bessern.

Item ein ander Register verstehe ich vff der ban⁷⁷⁾ sey in orgeln gantz werck zü machen, welchs vor fünff jaren erstlich vnserm aller gnedigsten hern dem Römischen kayser. als ein klein instrument gleich eim positiff ein regall oder super regall gütkünstlich funden gemacht vnd zü wegen bracht des stym anmütig vnnd seltzam dem gehör, vnnd seyner pfeiffen fast tzü verwondern, welcher sie nitt kendt, wer auch nür yr form proportz oder mensur zü erdencken vnmüglich gewest, aber teglich wachsen künst vnd kommen mee. adams kinder feyren nit.

Item wie aber sollich ytzt gemelt vnd ander fremdt hievor vnd noch bestympt pfeiffen gemacht sein, loss ich den orgelmechern zü gefallen hie rügen, do mit ich nit geacht werd yr kunst vnd heimlichkeit zü offenbarn vnd gemeyn zü machen mir nütz do mit zü schaffen, oder mein sichel in eins andern ern zü schlagen etc. Sie geniessen billich yr arbeit. kunst vnd gutter werschafft.

(33. Seite.)

Das. xi. blat.

Item mitt den principaln ym pedal geet die octaff wol, doch das die principaln ab zü ziehen sein, so man wil das die octaff allein gee, als auch der hindersatz.

Item Trommetten oder basaun⁷⁸⁾ Etlich machen auch in das pedall zymmeln vnd klein octauen nennen sie sedetzlen, sollen meins bedünckens all beidt nit dohin.

Item gut ist das die register ym manual vnd pedall all vnd iglichs in sonderheit ab zü ziehen sein, der vrsach, das mann ein iglichen gesang dar vff spilen mög manualiter vnd pedaliter der mit gleichen stymmen gesetzt ist, dann der schickt sich vff kein orgell do das pedal ein octaff oder meer vnder dem manual ist, die gutte species in⁷⁹⁾ consonantzen werden verkert vnd verandert, als vss den quinten werden quarten, vss den tertzen sexten etc. Dess halben nott ist die principaln ab zü ziehen dem gesang sein art zü lossen vnd das ist zü thon wan die principaln ym manual, vnd die octauen in dem pedal mit einander geen

74) nach. 75) Topf. 76) Röhre, eine Art Orgelpfeife. 77) Bahn, d. h. auf dem Wege = jetzt gebräuchlich. 78) Posaunen. 79) Handschriftlich in „vnd“ verbessert.

oder vff andern registern do das pedal nit ein octaff vnder dem manual ist, sonder gleich stymmen sein.

Auch ist gut die register all ab zü ziehen das der organist gleich register allein eins noch dem andern hörn mag lassen. wie ym oder andern geliept. Dan fast lüstig zü hörn etwas zwey register zü sammen, als die zymmeln zü den principaln, vnd andern wie obgemelt.

Etlich werck haben in dem manual vnderscheidlich stymmen ab zü ziehen, aber in dem pedal nit, als ich nemlich ein redlich werck weiss, nitt mit kleinen kosten

(34. Seite.)

gemacht gar in einem reichen herlichen stift des hindersatz in dem pedall nit ab zü ziehen das ein grosser gebrech, vnd in der erst gröblich vbersehen ist. do für wol hundert gulden zü geben were.

Item die register mag man in vil weg zü einander ziehen vnd andern das den orn⁸⁰) fremdt zü hören ist. Auch yr keins das nit gut zü den raüsspfeiffen vnd trompten vnd sonderlich so der hindersatz scharpff rhein⁸⁰ schneidet. nicht grober mixtur ist, gefelt mir vber die moss zü gemelten zweyen registern raüsspfeiffen vnnd trompten.

Item noch ein Register in eim iglichen Chor grob tertzen vnnd quinten, dar vff mann kein concordantz greiffen mag, dan welch clauess oder chor zü samen genommen werden die discordiren, vnd lautten vbel, das doch gantz wider die musica vnd von keinem werd ist als ein iglicher verstendiger zü ermessen hot.

Sie machen auch ein register ein pfeiffen vff eim chor ein quint vber die principaln, oder rechten ton des wercks, wem das gefelt der lob es etc. Ich red mit herlaub es wirt vil versucht ytz das, dan ein anders. Es ist gut lernen in frembden kosten, do mann vmb den lon nit sorg, vnd materialia genung hat. Mann findt etlich die verachten ander leüt, berümen vnd vermessen sich gross, machen doch zü zeitten das sie es selbs wider dannen, vnd nit anders an stat thün. die heiligen vermögen den vnkosten bass dan sollich werck leüt. Des gleichen geschicht mit den posituien, machen sie zwey

(35. Seite.)

Das. xij. blat.

oder drey an ein werck. Eins zü rück, das ander forn an die brust, das drit ym werck dient nergent zü. dan zü verlengerung der zeit, vnd merung vnnütz kostens. vill brü vnd wenigk fisch. Ein gut positiff zü rück wer mir genung sein registern als die principaln höltzen oder zynnen pfeiffen vff die höltzen art, dar

80) Ohren.

zū ein gemsslein Ein guts rheins zymmelein, vnnnd das hinder-
setzlein doch das iglich register sonder ab zū ziehen vnd allein
zū brüchen sey, zū andern registern ym werck als sonderlich das
hindersetzlein ym positiff zū den rüsspfeiffen gut zū hörn ist.
Des gleichen auch die hültzen pfeiffen jm positiff fast frembdt
vnd anmütig zū der octaff im manual zū hörn sein, mit gleichen
stymmen noe oder ferr⁸¹⁾ von einander etc. Es reden etlich dar
von als ob die rüsspfeiffen vnd trompten nit wirig oder besten-
dig sein solten, der meynung halt ich nit, sonder glaub so man
iglicher yr recht mensur vnd proportz geb das sie lang weren
mögen. Ich kan zeigen raüsspfeiffen vnd trompten bey neün ja-
ren in eim werck gestanden vnd gebrücht, die sich der zeit von
hitz oder kelt nit geendert haben, sonder sich vff diessen tag
frey lassen hören als in der erst Ob dan zū zeitten in eim werck
sollicher pfeiffen zwo oder drey sich endern, mag ein organist
baldt wenden, welcher das weiss. Darumb sein gemelt register
nit zū verachten, sonder als ein neü herlich, brechtlich⁸²⁾, frölich
vnd ein wunderbarlich ding in den orgeln zū hören, got zū eren,
woll zū machen vnd zū halten.

Item die register zū ziehen ist gelegener das sie vbersich,
oder vndersich, oder beseitz gezogen werden, dann

(36. Seite.)

forsich gegen dem organisten, die etwan bey einer spannen
lang vor das corpus hervss, mit nötten vnd krefftten gezogen
werden müssen, ist nit dester wiriger.

Das Sechst Capitel.

Das Sechst Capitell sagt von der mixtur oder locatz wie
eim jden orgelmacher not an zū sehen die höch vnd weytte oder
grösse der kirchen die mixtur darnach zū stereken⁸³⁾, noch dem
auch das werck gross oder klein ist, dan in eim kleinen werck
des mensur ym zweiten capitell gezeigt ist, vff dem obersten
chor, ongeferlich sechtzehn sibentzehn oder achtzehn pfeiffen
solt meins bedünckens in einer grossen kirchen woll ergeben.
vnd hörlich⁸⁴⁾ genung, vnd soll die mixtur scharpff schneident sein,
nit von quinten oder tertzen die man bescheidlich hören mag,
vnd eim verstendigen meer widder vnnnd schewlich⁸⁵⁾ dan lustig zū
hörn sein. Sie machen kein lieplichkeit, sonder verderbent vill
gutter species vnd consonantzen durch yr schreyen, das ist also
zū mercken, so man nympt zū samen ein quint cfaut vnd gsol-
reut der ein iglichs ein quint in jm selbs hot, so ist die quint

81) nahe oder fern. 82) prächtig. 83) verstärken. 84) hörbar. 85) zu-
wider und abscheulich.

in gsolreut dlasolre, vnd dar vnden cfaut, das gibt ein dissonantz, ein non⁸⁶⁾, oder secund. Der gleichen dissonantzen mancher⁸⁷⁾ auch die tertzen, nym elami zü dem cfaut so wirt die quint in elami bfabmi ein septima gegen cfaut, das thünt nit allein die negsten quinten als die alten gemacht haben, vnd noch in etlichen wercken sein, sonder auch die andern ein octaff höher ein duodecima, wiewol nit so vil oder hart als die negsten, sein

(37. Seite.)

Das. xiiij. blat.

sie doch zü meyden wie klein die sein, so man sie hört, es sey jm pedal oder manual. etc. Es soll auch nit vber setzt sein mit andern grossen pfeiffen, die das werck rüch⁸⁸⁾ vnd grob, gut schweynisch machen, als die seüw schreyen etc. Sonder von klein pfeiffen die selbigen recht proporcionirt machent ein gut zart schneident mixtur vnd wie woll in selben auch mögen kleiner quintlein sein, doch das sie nit gehört werden, scherpffen vnd stercken auch woll.

Das Sybendt Capitel.

Das Sybendt capitel sagt, das ein iglicher chor in ym selbs lüter vnd gerad⁸⁹⁾, auch die chör all gegen ein ander von vnden an biss oben hin vss recht proporcionirt sein sollen, einander nit vberschreyen, einer starck von guten pfeiffen, der ander chor darneben schwach von bösen oder. iij. oder. iiij. pfeiffen mynder die dannocht nicht all gut sein. Etwan werden zapffen vor die pfeiffen in die löcher der laden geschlagen, das fast hesslich vnd grosse defect, wan die chör nit gleich. An eim ort oben vss ym discant, oder vnden auss stercker oder schwächer sein. des gleichen sol auch das pedal vnd manual gegen einander gemerckt werden etc.

Item sollen in iglichem register die chör verglichen werden, das nit ein pfeiff frey starck lüt. die ander kûm halb, wie vor gemelt.

Item ist nütz das ein iglicher clauis durch all clauir vnd register, sein eigen chor hab, vnd nit bletzwerc⁹⁰⁾ sey. als in etlichen wercken, etwan ein register oder mer

(38. Seite.)

nit ferrer vndersich geen, dan in das cfaut oder bmi. aber claus ferrer hinab in ander register fallen, oder gar still schweigen, das zü moll⁹¹⁾ vnmerglic vnd den orgelmechern verkerlich ist, ein werck also zü radbrechen vnnd stymeln⁹²⁾. dweill als philosophus sagt, ein missformig gelid macht ein gross verenderung vnd

86) eine None. 87) Handschriftlich in „machen“ verbessert. 88) rauh. 89) rein und gleichmässig. 90) Blendwerk. 91) zumal, besonders. 92) verstümmeln.

missstalt ann einem gantzen leib. Wie geschickt oder wol gestalt ist dan ein werck das vill gelider gar mangelt vnnd nit hot. et cetera.

Das Acht Capittel.

Das acht capitel ist von stymmen der orgell⁹³⁾ vnnd zü welcher zeit es zü thûn, wie ein iglicher chor der pfeiffen hoch oder nieder in der stym sein soll, species oder concordantzen dar vss zü machen, das ist vnisonus. quinta. octaua. quarta. sexta. tercia. durch wellich all music menschlicher stym, oder instrumenta musicalia vollbracht wirt, wie aber ytz gedachten species geteilt vnd genent werden, perfect oder imperfect. ist on not hie zü declariren, sonder durch vnser autores die musici yr vill noch leng erhört etc. Nûn wiewol die oftgenanten species iglich in yr selbs volkhommen vnd gantz begert in gezogen zü sein. Auch am besten also zü hören ist, so sie anders allein gebrucht wirt etc. wollen doch nit zwo mit einander concordirn, so iglich in yr selbs gut ist. als ein gantze quint cfaut vnd gsolreut. sol dann die tertz etwas darzwischen elami, gut zü dem gsolreut sein. als ein tertz imperfect, oder tercia minor. semiditonus, so

(39. Seite.)

Das. xiiij. blat.

wirt sie zü dem cfaut als tercia perfecta, oder tercia maior ditonus nit gut, sonder zü hoch. dan wan die quinten gerad eingezogen sein⁹⁴⁾, so werden die tertzen wie ytz gehört zü hoch. schewlich vnd hart. das magstu also probirn. Nym ffaut, darnach. iij. quinten vber einander, so gibt die letzt das ist alamire ein tertz perfect oder doppel decima vnd doppel sext zü hoch gegen dem ffaut vnd csolfaut etc. Machstu dan die tertzen all gut, so werden die quinten zü hoch. Nym. iij. vber einander cfaut. elami. gsolreut. bfabmi. dlasolre, so findestu wie die quinten werden, vnd also auch mit andern.

Item sein drey tertzen perfect vber einander in jm selbs gut, so ist die letzt stym ein octaff gegen der ersten. aber doch zü nieder vnnd nit hoch genug, als cfaut. elami. post sol oder fa. in alamire csolfaut⁹⁵⁾. Nympt man dan ein gantze volkhommen quint, vnnd vber die selbige quint ein quart in yr selbs gut, so wirt die letzt gegen der ersten zü hoch, vnd nit ein gut octaff. als cfaut. gsolreut. csolfaut, so ist das csolfaut zü hoch gegen der octaff cfaut etc. Ascendirt man dan durch. iij. quarten. als gamaut. cfaut. ffaut. bfabmi post re. oder fa. in elami post wirt das selbig post re zü seiner sext, oder doppel sext gamaut oder gsolreut, zü nieder. So nûn die species iglich in yr selbs

93) handelt vom Stimmen der Orgel 94) rein gestimmt sind. 95) C e gis c oder c e as c.

gut bey einander nit stallen. oder sich leyden wollen, muss man yn beyden abbrechen vnd sie vereyn, das eine der andern helff tragen wie hiernach geschriben, vff das sie mit einander zü brüchen sein. also das die discordantzen. wellich die orgelmacher den wolff

(40. Seite.)

nennen. So vill müglich geteilt vnd geordnet werden. do sie am wenigsten jrren etc. Dan kein werck der orgell oder positiff, was pfeiffen die haben von metal, holtz, bapir, dach oder glass, des gleichen ander instrumenten musicalia von metallischen vnd schöffen seiten⁹⁶⁾, als clauicordia. clauizymmell. simphonien. läutten. harpffen, vnd ander, all wie die genennt werden. Nemlich die semitonien haben keins durch vss an allenn ortten recht in gezogen oder concordirt werden mag. Darumb bey vnsern zeitten auch vngezweifelt vor vns gross fleiss vnd arbeit angelegt ist, solchen mangel vnd defect zü emendirn als nemlich jnwendig⁹⁷⁾ zwolff jarn ist ein werck gemacht worden das hett doppel semitonien ym manual vnd pedal, der vrsach was die gemein pfleglichen semitonien zü hoch oder nieder weren, solten die andern mit jren sonderlichen pfeiffen vnd chören erstatten. wellich mann nent halb semitonien, oder ignoten. es was aber vergeben vnd vmb sunst, nit zü brüchen. Des halben es auch widderumb abgethon wardt. Der fürwitz was gebüst⁹⁸⁾ nit mit kleinen vnkosten. Die selbigen zwen orgelmacher so ytz berürt werck machten, meinten etwas newss zü bringen, vnd sonder ere vor ander meister ein zü legen. die doch selbs vorhin vill faltig versucht vnd erkündt haben, yn züran⁹⁹⁾ aber der kunst. was eben als so die organisten von newem lernen sich einer ander vbung zü spiln, annehmen vnd gewenen wolten. dar auss doch, als ich gedenck, nitt würde. Diweyll nün sollichs alles vnuerfenchlich geschieht, vnd man dannocht die orgeln brüchen muss, hab ich mich geflissen

(41. Seite.)

Das. x v. blat.

den orgelmachern ein vnderweysung vnd bericht zü geben meins bedinckens fast förderlich vnd nott die werck zü stymmen vnd ein zü ziehen wie noch folgt etc. Doch nit allein den orgelmachern, sonder auch den organisten. Ob etlich der ding nit sondern verstandt oder erfahrung hetten geschickter zü werden den orgelmechern sollichs an zü zeigen ynen dester hilflicher vnd erschiesslicher¹⁰⁰⁾ zü sein die werck wol züuollenden.

Item fach an¹⁰¹⁾ in ffaut jm manual sein quint ascendendo effaut, die mach dar zü nitt hoch genug, oder gantz gerade in. sonder

96) Darmsaiten von Schafen. 97) innerhalb. 98) gebüst. 99) ihnen zerann. 100) erspriesslicher. 101) fange an.

etwas in die niedere schweben. so vil das gehör leyden mag, doch das sollichs so man gemelt quint brüch nit leichtlich gemerckt werd. sonder so die clauens oder chor gedachter quinten gerürt vnd ein weill still gehalten werden das mann hören mag wie es etwas vnstet laüt mit schlücken, sich sperr vnd bass oder meer in einander beger. So nún das cfaut eingezogen ist. so mach sein quint ascendendo gsolreut auch also. Des gleichen die quint vber gsolreut, dlasolre etc. so hastu vier chör, vnd drey quinten. Do mit hör aber ferrer durch quinten vff zü steigen das die pfeiffen nitt zü klein werden, eygentlich vnd woll zü hören. So fach wider vnden an die octaff vonn dlasolre so ytzt letzst gemacht ist, die züch gerade vnd gut ein. Dar nach die quinten ascendendo von dsolre, alamire. die lass vff die nieder schweben so vil es leyden mag. Des gleichen die negst quint dar vber elami auch also. dann mach sein octauen descendendo elami, gantz gerad ein. Aber sein

(42. Seite.)

quint ascendendo mi, in bfabmi. oder bdür, auch in die nieder gezogen wie von den andern vor genanten quinten gesagt ist. So nún die gedachten clauens oder chör also gemacht sein, dan so gib iglichem sein octauen descendendo vel ascendendo das sie gantz vnd wol jnn steen, so hastu all clauens naturales. Dann vor allen dingen sollen die octauen laütter vnd gut in einander sein. Das aber die quinten wider yr natur gezwungen vnd niederer sein müssen wan sie begern, ist nit on vrsach, dan so man sie gantz vnd gut liess, würden die tertzen zü vil starck vnd zü hoch, dasselbig züuerkommen, muss man die quinten schwächer, vnd in die niedere ziehen, dan ein iglicher chor der zü seiner quint vndersich gerade in vnd perfect ist als elami, gegen dem alamire. so man das elami brücht zü seim ditono oder tertz perfect vndersich csolfaut wirt er zü hoch. Et sie de altjs etc. Wievill die tertzen perfectum nitt gut, sonder all zü hoch werden, ist doch not vnd acht zü haben die drey tertzen. cfaut, elami, ffaut, alamire, gsolreut vnd bdür. besser zü machen. so vil sie yr quinten halb vnder sich leyden wellen dann die andern. Vrsach sie werden gar oft vnd meer gebrücht dann die andern, wie vill ytzt genanten tertzen besser sein, so vill wirt das post soll¹⁰²⁾ zü dem elami vnd bdür boser¹⁰³⁾. Aber an dem ist nit so vill gelegen als an den ytzt genanten tertzen, wie dan hiernach von dem post soll meer gesagt wirt etc.

Ferrer von den semitonien oder bmollen oder coniuncten wie die genent werden¹⁰⁴⁾ etc. Fach an jn ffaut das dan

102) = post sol, d. h. gis. 103) böser, schlechter. 104) Obertasten.

(43. Seite.)

Das. x v j. blat.

vor gemacht ist. Nym sein quint vndersich bfabmi, das bmoll. oder fa in bfabmi, das züche gegen dem ffaut hoch genug, also das die quint nicht gut. sonder schwebent in die höch gezogen sey, so vill es möglich ist vmb seiner tertz willen vbersich dlasolre. Auch das die quinten vnder bfabmi, als post re. post soll¹⁰⁵) zü yrn tertzen dar zwischen gsolreut vnd csolfaut dester höher vnd besser kommen die sunst fast vnlieplich würden wo yn nit durch ytz gerürten quinten in die hoch gezogen hilff geschech. So dan das bfabmi also gemacht ist, ziehe sein quint descendendo fa in elami post re, oder dis, wie du es nennest. auch in die höch gegen den bfabmi. wie von der negsten quinten gesagt, vnd geb dan dem ytzigen post re sein octaff ascendendo gantz jnn. Dar nach zü dem selbigen post re, mach sein quint vnder sich fa, in alamire. post soll oder gis, nit in die höch, sonder etwas vmb das brifen¹⁰⁶) niderer dan die quint begert. das kompt dem elami vnd dem bdür zü hilff in die clausell alamire, wiewoll dannocht das post soll also gemacht nit ein gutte tertz oder sext perfect gibt zü der quint elami vnnd bdür zü clausulirn in das alamire, als dan so man clausulirn oder ad. etc. perfectionem kommen vnnd ein sedem¹⁰⁷) halten will. wie das ein iglicher nendt ein sext perfect oder sexta maior tonus cum diapenthe, für¹⁰⁸) gen soll. Ist es doch meer an dem wan an eim andern ort zü dulden, angesehen das es ein clausel vnd nit von nötten ist, das post soll der discant gleich den andern stymmen lang gehalten werd, sonder mag mann sollich clausell den discant am anfang mit eim

(44. Seite)

peusslein¹⁰⁹) oder gerader diminutz, tectlein,¹¹⁰) leufflein, risslein oder floratur, wie du es nennen wilt. wol verschlagen vnd bergen, das die hertickeit oft genanter clausell nit gemerckt wirt. als ein geschickter organist zü thün wol weiss, das kein man in der andern concordantzen post soll, post re. csolfaut nit thon, dann das wirt nit gebraucht als ein clausel in das post vt, sonder sunst gesetzt vnnd in organis gemacht als ein ander concordantz. iij. oder. iiij. stymmen zü sammen die der contrapunct gibt. Hierumb ist not daz die eingezogen vnd gestimpt sein das man sie brüchen mog. als dan die music herfordert, vnd die semitonia nit vergebess funden oder gemacht sein. Aber etlich halten die ander meynung sprechent. es sey besser das man das post soll zü dem elami vnd bdür gut mach zü clausulirn in alamire. wan das es zü dem csolfaut vnd post re gut sey etc. das mich hoch von yn befrembdt die music also zü schwächen vnd yr recht

105) es und as. 106) wegen des Prüfens, Probens. 107) Schluss. 108) für, vorher. 109) kleine Pause. 110) kleiner Takt.

eygenschafft, als die süßigkeit gutter vnd frembder concordantzen zü benennen. wellich on die semitonien nit so wol gemacht vnnnd noch einander formirt werden mögen. als sie dann gesteen müssen. Auch one zweiffell ob sie es schon selbs nitt können, ist yn doch von andern ergetzlich vnd lustig sollich gut melody mit hilff den semitonien als eim rechten natürlichen menschen zü hörn, meer züuerwondern vnd zü loben dann zü verachten vnd dar wider sein etc.¹¹¹⁾ Dauon han ich vil red gehabt, vnd mir zü vnderweysung gefragt die höchsten vnd berümpsten musicos speculatiuos vnd practicos so bey vnsern zeitten meiner achtung gewest vnd

(45. Seite.)

Das. x v i j. blat.

noch sein, vnd jr vil meiner meynung funden, der gleich etlich organisten vnd orgelmacher so vor jaren die ander meinung hielten, vnd fast wider mich fochten, sich haben nün gewent vnd von yr meynung gewichen. sich der meinen geflissen, das zeigen yr werck seyt der zeit gemacht. Nün. wie dem ob noch etlich der ander meynung weren sich schempten, so lang geirt haben. vnd yr irrung zü bekennen, darumb vff yren eilff augen beharren wolten, den selbigen sol der orgelmacher wyll farn sich fleissen das werck ein zü ziehen, wie ym angezeigtet wirt. So dann sünst alle ding gerecht sein hot er genug gethon etc.

Weyter fach an in bfabmi, mi. oder bdür. so folgen die vbrigen semitonien auch noch. Item dem bdür geb sein quint ascendendo mi, in ffaut, post fa, oder fis. schwach in die nidere schweben, do mit die tertz zwischen dsolre vnd alamire, oder die sext perfect zü alamire mit seiner quint dsolre brüchlich, vnnnd nicht zü hoch werd. Als dan die clausell in gsolreut gar oft begert vnd gemein ist, das in der quint bdür vnd post fa. nit geacht vnd selten gebrücht wirt post fa. sein quint vbersich fa. in dlasolre post vt, oder cis. zimlich ein, das es zü dem alamire vnd elami zü brüchen sey. als ein gemeyne clausell in dlasolre. vnd wiewoll das selbig post vt wirt zü nieder gegen seiner quint vbersich post soll, das ist nitt zü achten, dan es nit gebrücht wirt man woll dann gantz per fictam musicam geen. Durch all semitonien wellichs doch on not ist. Auch die componisten kein gesang also gar vss den frembden notten setzen etc. Ob yr eyner

111) Diese noch heutigen Tages ähnliche Art Orgeln und Klavierinstrumente zu stimmen hat man bisher für eine Erfindung des XVIII. Jahrhundert^s gehalten und sie dem braunschweigschen Instrumentenmacher Barth. Fritz um 1756 zugeschrieben. Wir erhalten hier den Beweis, dass Arnolt Schlick die Erfindung für sich in Anspruch nimmt, sie aber im Laufe der Zeit wieder verloren ging und erst durch Fritz allgemeine Anerkennung gefunden hat.

(46. Seite.)

dan vss fürwitz vnnnd seltzamkeit per fictam musicam sich geylen wellt, als primus tonum in bfabmi, oder quintum in elami etc. das muss darumb ein organist nit vss dissen notten spiln. sonder mag es in höhern oder niedern machen. angesehen die semitonen. Wellich am meisten discordirn, als post vt. vnd post soll etc.

Hie bey felt zü ein frag in welcher zeit des jars die orgeln zü stymmen sein etc. dar vff die Orgelmacher antwort geben vnd sprechen. das im sommer förderlicher wan des winters seiner kelt halber zü stymmen sey, dann so man die pfeiffen vss heb werden die in den henden etwas warm das sie yr stym endern vnnnd höher werden. So man sie dann vff die laden setzt, muss man zü zeitten wartten biss sie widder erkalten vnd ir recht stym hören mag, dar zü sein Lidern hentschuch¹¹²⁾ gutt die pfeiffen mit an zü greiffen von natur kalt, do von das metall nit werm empfangen mag als von den henden. Item zü winter zeytten begibt sich oft, so eyner eyn pfeiff in muntt versucht das die feuchtickeit durch den fuess der pfeiffen geet an das munttloch, dar an gefreürt¹¹³⁾ vnd auch die stym endere, das dan vber dem feüer oder stünst vssgedruckt werden muss. Item die kurtzen winter tag ist nit vil zü arbeiten, es geschee dann mit lichern etc. Solcher vnd andern vrsachen halb ist das stymmen in dem sommer am gelegesten vnd nutzsten etc. Ob aber die werck der zeit halb ym sommer oder winter gestympt dester wiriger¹¹⁴⁾ sein, kan ich nit sagen. dan ich weiss werck wellich in dem winter gestympt vnd geendt sein noch

(47. Seite.)

Das . x v i i j . blat.

bestendig, der gleichen weiss ich auch ym sommer also gemacht.

Das Neundt Capittel.

Das neünd capitel sagt von der Laden, die soll sein von einem gutten aigen holtz das do glestig geng on Est geschlacht alt vnd dürr ist, wasser hat schier gleich dem schamlot.¹¹⁵⁾ als etlich nennen gespigelt aichen holtz etc. wiewol nuss baümen holtz auch zü laden gebrücht. ye doch das aichen meer gelopt.

Item das hertz oder marck hervss gethon, dar nach das holtz vff veinander verwendet, vnd so meer verandert so besser, als kern vnd schwart¹¹⁶⁾ gegen einander, vnnnd so der stück drey oder meer sein. mag man sie noch der leng auch verkern, also das das holtz an keinem ortt wider vereint wirt als es vor gewest, vnd

112) Lederhandschuh. 113) gefriert. 114) dauerhafter, ausdauernder.

115) guten Eichenholz, das da glänzend, gut zubearbeitet, ohne Aeste, wolgeartet, alt und dürr ist, gemasert gleich dem Kamelot (Kamelhaargewebe).

116) Rinde, äussere Seite.

mit eim gutten armproster leym¹¹⁷⁾ zü sammen gezwungen, sauber zellirt¹¹⁸⁾, die zellen vnd ander löcher mit einem zimlichen leym gedrenckt. Item die Lad Register vnd Ventill gerad abgericht woll vnd gnaw vff einander gefügt. als die meyster zü thon wissen selbs oder durch ein gutten schreyner etc. ist nott vnd gut.

Item die Register nit zü dün das sie hart gezwungen müssen werden gerad oder schlecht zü bleiben vnd dester ungerner geen. sonder vier finger dick von guttem aichen holtz die bleibendt gerad, geent sanfft vnd darff man sie oben herab nit zü hart nötten gnaw vff zü ligen oder das sie sich nit krümmen, sein sie dester leichter vnd besser zü ziehen etc.

(48. Seite.)

Item die ventiln von dennem holtz lang vnd schmall wie vor in dem dritten capitel sagt, doch das sie breitter vnd lenger dan die zellein sein, vnd an allen orten für¹¹⁹⁾ geen ob sie zü sommer zeitten in der dürre eingingen vnd schmeler würden, das sie danoch die zellen bedecken vnd gnaw schliessen mögen.

Item so man die ventill, des gleichen die register, die Laden, vnd claur vor das wetter mecht vnd bereit, das sie sich nit zögen oder wünden oder krümpfen. were zü moll¹²⁰⁾ gut, wie dann holtz zü bereitten ist, als mich einer hochs stands gelernt hot, dem der almechtig got gnedig sey. das es sich nit ender von hitz, kelt, feucht oder drückene¹²¹⁾. sonder gerade schlecht in ein bleib wie die zill böltz pfeill¹²²⁾ etc. So in feucht wetter vnnd berg oder regene geschossen werden etc. Ich hab auch sollich bereit holtz versuchen lassen vnd erfahren das es sich leyemen lasst vnd fest helt, on leym fügen sonder schlecht gespalten die selbigen örtter widder vff einander das doch mynder noch meynung erfarnen werck leüt halten solt, als ich dan von eins fürsten schreiner oder kystner bericht werd. wie aber oder wo mit ein holtz also zü machen vnd zü bereyten sey, möcht ich hernoch eins eim andern druck zuuerstehen geben.

Item soll mann vffmercken haben das die register gern geen, vnd der wint nit von eim in das ander lauff so man eins abzücht das dannocht etlich pfeiffen oder chor in dem selbigen läutten vnd heülen wan man yr clauess rürt. Item die lad lang vnd breydt genüg den

(49. Seite.)

Das . x i x . blat.

pfeiffen vnd choer raum zü lassen daz sie nit eng in ein ander stecken do mit sie dester bass etwan zü bessern, vss vnd ein zü heben sein. Auch oft so sie als noe vnd hart einander an rüren,

117) Leim welchen man beim Verfertigen von Armbrüsten anwendete?

118) das Bohren der Windlöcher. 119) hervor, vor. 120) zumal, besonders.

121) Trockenheit. 122) zusammen bleibe, wie Scheibenbolzen, Pfeile etc.

ndern sie yr recht stymme, werden schottern¹²³⁾ scharpff laütten gleich den geygen vnd trompscheit, oder als do einer durch ein strell¹²⁴⁾ singt etc. Das geschicht auch zü zeitten so die blech der pfeiffen zü dün sein.

Item die register sollen geraüm genug sein das yr stangen nit zu eng haben sich an einander streichen vnd ab würgen, des gleichen auch mit züigen vnd wellen.

Item die Lad in wendig weit genug das frey hinein zü greiffen vnd zü reichen sey. So es der schern oder ventilm vnnd der secklein etc. notturft erheisst, als sich woll begibt das etwas kleins zwischen ein ventill vnd die lad kömpt das es nit schliessen mag. Darumb der selb chor heült. Auch etwan ein scher bricht, lam wirt. oder vss springt. etc.

Item die lad sol nit mit leder oder andern verleimpt das man es muss vff reissen vnd wider zü leymen. sonder mitt eysen gewerblein oder klöblein beschlossen, die von stund an so es not ist zü öffnen vnd wider zü schliessen sein. So das selbig brit oder thürlein vor die laden mit einem leder gefüttert ist, auch eins an der laden oben vnd eins vnden die sollich thürlein vff beiden seitten vnnd ortten inwendig bedecken, mag der wint nit hervss, vnd darff keins leymens, wo es also beheb vnd recht versehen, das ich nit an eim werck allein erfahren hab, das

(50. Seite.)

ist der grösten gebrechen einer wo die laden nit versorgt vnd bestendig sein Doch mocht man es (als der bösen fortelein¹²⁵⁾ ein) loben, dan etlich werck so bald die belg geen so thünt die pfeiffen selbs das best, lassen sich hören on hilff des organisten. Er woll oder nitt. Es begibt sich auch das ein werck etwan vss kleinen vrsachen heült, das doch leichtlich zü wenden ist. Als do die züig zü eng haben, einander anrüren vnd halten. oder die dret¹²⁶⁾ der züigk so vnden an den claur. Des gleichen oben an den wellen ein ander anstreichen, oder so die dret an den örttern nit recht gebogen vnnd von einander gewent werden. Des gleichen mit den wellen vnd yr ermlein nit räumbts genug haben. Etwan auch die züig an den registern anstreichen. zü zeitten auch das claur geschwilt vnd stecken bleibt von feuchte des wetters, oder etwas dar zwischen felt das sie nit frey geen mögen. Ich hab auch funden das sich ein wellen bret von dem wetter gewonden vnd gekrümpft hot, das etlich wellen nit geen mochten, was yn doch bald geholffen etc. Der Ding mogen sich vil begeben das ein werck heült ein gross geschrey macht vnd geacht wirt als ob es verderbt sey die doch leichtlich gewent werden,

wo ein organist baldt dar zü kommen mag, wellichs die orgelmacher billich am ersten bedechten, die lad vnd das corpus der moss zü machen das man es öffen vnd hinden. fornen. beseitz. oben vnd vnden, auch zü den clauirn baldt kommen mocht. etwan bricht ein drat an dem clauir vnd züigen vnden oder oben oder strecken sich das die claues zü nieder vnd vngleich werden oder nitt genug, die ventill öffen. das ist zü zeitten

(51. Seite.)

Das . xx. blat.

baldt gewendt. auch die weill mann in den götlichen emptern singt. vnd ee dan der organist wider anfacht. Mann muss zü zeitten ein orgelmacher beschicken eim werck zü helffen, das wol der organist thet wann das werck gemacht vnd zü öffen were wie ytzt gehört.

Item es ist auch fast not das werck züuersorgen das radten vnd meüss nit hinein mögen, wo sie vff die laden kommen zerbeissen sie die pfeiffen, stossen sie krümp vnd vss den löchern. Wo dan etwas in die löcher feldt mag leicht zwischen ein ventil kommen das es heülen vnd pfeiffen wirt. das werck zü brauchen vngeschickt. Ich hab selbs mit andern fundenn. stro, netzfaden, laütten seitten, klein spenlein, vnd anders das die ratten in ein werck zwischen die pfeiffen getragen vnd geflochten haben. Es ist ein vnnützer gast vor dem wol zü schliessen ist etc.

Item die flügel so das werck fornen vnd die pfeiffen vor staüb, mücken, vnd andern bedecken. Desgleichen vor fledermeüss vnd fögel so in die kirchen kommen vff die pfeiffen. auch in die mundtlöcher fliegen vnd schmeissen¹²⁷⁾ mögen, sollen nit schwer oder blochet¹²⁸⁾ sein das sie sich vndersich sencken. selbs vberwiegen vnbrüchlich vnd mit nötten kömmerlich vff vnd zü zuthon sein. sonder vff das geringst vnd leich gemacht, das sie sanfft vnd sittig zü geen, nit hart anstossen oder bollern, die pfeiffen bewegen vnd erschütten.¹²⁹⁾

Das Zehendt Capitel.

Das zehendt capitel Von dem windt, dan ein yedes

(52. Seite.)

werck in reichen steten¹³⁰⁾ haben sol, dan wo des windes zü wenig ist, mögen die pfeiffen yr stym nit volkhommen geben. vnd laütten als so der windt starck vnd wirig ist, vnd zü eim werck, der gross, fornen ym zweyten capittel bestympt vnd bezeichnet. acht ich not fünff oder sechs belg, yeder neün oder zehen schuch lang, vnd bey drey schuchen breit von guttem dicken drylingen.¹³¹⁾ so die gehobelt vnd bereit werden, das sie dannocht dreyer finger

127) verunreinigen. 128) wie ein Block, klotzig sein. 129) erschüttern. 130) Städten. 131) dreizöllige Bretter.

dick bleyben, vnnnd ist forhal¹²²⁾ holtz besser dan das dennen oder aichen, dryling ist auch gut zü arbeiten, feisst vnd zech, reisst nit so baldt als dan dennen von den negeln so man das leder vff niegelt. Item zü den belgen ist alt geschmeidig rindere leder das best. Es geet gern vff vnd nieder, legt sich gnaw vff einander, vnd ist zech Es soll aber eins loss oder zweyer meer haben dan ander leder vnd nit zü wol geeschert¹³³⁾ sein, wie es dan die leder gerber zü bereitten wissent etc.

Item wo mann die belg legen möcht das der windt vbersich ging wer bequemer, dann er wider sein natur als ein leicht ding gezwungen vndersich geen muss.

Item ist not das die belg geheh¹³⁴⁾ vnd gantz sein von holtz vnd leder. Des gleichen das Canall von den belgen in die lad wol versorget sey. Vnd das die belg sanfft geen nit schücken oder stossen das mann es allwege an den pfeiffen hör wan die belg vff oder nieder gen. sonder das der windt stete on all schwencken sey etc. sollichz zü probirn. halt vff dem gantzen werck ein concordantz. vj. oder vij. claus jm manual vnd pedall zü samen so lang als zimlich ein mensch mag betten zwey oder drey pa-

(53. Seite.)

Das . x x j. blat.

ter noster, so hörstu es wol ob der windt stet vnd sein genug sey etc.

Item gut vnd not ist das die ventilm britlen oder dūrlein¹³⁵⁾ vnden an den belgen die den wint fangen vnd beschliessen bereit sei das sie sich nit krümpfen sonder gerad blieben vnd wol schliessen, dan so ein werck vff ein gutten starcken wint bestimpt ist. vnd den selben dan gantz oder züm teil verlürt so nimpt es ab vnd mag wol verderbt heissen etc. Darumb sol man auch die belg schmirn vor die radten vnd meüss das die belg gantz vnd vngeletzt blieben, wie oder die schmir zü machen sei. lass ich auch rüwen biss vff ein ander zeyt.

Item etlich machen eygen belg kammer vor die radten das sie nit dar zü kommen sollen. hilfft doch nit allweg, etlich haben ein ander meinung die belg frey zü legen vnd vnbeschlossen, so solten die radten minder dar zü begern vnd jnen schaden thün. vnd sprechen es sey des thirs eigenschafft vnd art das es mer beger vnd arbeit in die heimlichen beschlossenen ort zü kommen dan do es frey vnd offen sey. das ich auch glauben mag, dan ich weiss ein werck des belg vff ein gewelb ligen frey offen vnuerschlagen vnd vnbeschlossen sein nün also bey. xx. jarn gelegen, vnd haben jnen wedder ratten noch meüss schaden ge-

132) Föhren = Kieferholz. 133) gelangt. 134) verschlossen. 135) Brettlein oder Thürlein.

thon etc. Ob es aber des selbigen oder des schmirrs schult sey weiss ich nit, ich wolt aber raten daz die belg anfenglich mit einer rechten schmir vor diesse böese thier versehen. vnd ye vber. iij. oder. iiij. jaren aber eins geschmirt würden. nit allein der raten halber. sonder auch dem leder zü gut, das es dester geschickter vnd wiriger bleib. nit zü dürr hart vnd erspert¹³⁶⁾ würd, vff riss. vnd löcher dar ein fallen. als oft geschicht das dan eim

(54. Seite.)

werck ein grosser schad ist. dan so es vff ein reichen gutten wint gestympt wirt vnd der selbig ab nimpt, wie mag dan sein wirckung bleiben etc. Es sollen auch die yhennen so die belg dretten oder mit henden ziehen wie an etlichen ortten pfleglich gewesen bescheiden sein, sie steet vnd sittig nieder dretten vnd sanfft vff lassen geen, nitt mit schücken gelingen,¹³⁷⁾ nieder stossen vnd vn wirss vff lassen farn oder schnappen, dan das wie auch ander ding das vber nöt vnd gezwungen wirt, ist nit blieplich¹³⁸⁾ oder wirig.

Item ein werck das von neuwem gemacht wirt sol vber ein jar oder zwey wider renouirt vnd vbergangen werden vnd dan so es recht gehalten wirt, mag es lang steen vnd gut bleiben etc. vnd ist nit gut noch fürtreglich. als etlich meyn die werck zü sparn nit dar vff spiln, da mitt sie langwirig sein, sonder sie teglich vben so es sich gebirt vnd yr mit spiln nit schon, behelt sie ehe vnd bass in wesen dan so sie gantz vngeübt sten. darumb wo in der fasten vnd jm aduent die orgell rüwen müssen, sol man sie dannocht zü zeitten versuchen vnd dar zü lügen vnratt züuerhüten. als rost. staüb. spinweppen. villeicht auch ratten meüss, vnd anders do von vil ding an dem werck vngeng¹³⁹⁾ vnd bawfellig werden mag, das alles müssig steen mer in würtzelt dan so es in vbung bleibt. Es wer dan das ein werck nit gebürlich oder recht gebrücht werde. als so ein organist die vernunft hinder jm liess vngeschickt were, von wem oder sünst zü vil freide vnd stercke¹⁴⁰⁾ entfinge, das er ein register oder anders vber nöt vnd zerbrech. als ich vernem an eim ort gescheen sey, doch hab ich es nitt gesehen. wo dem also were. deücht mich

(55. Seite.)

Das .xxij . blat.

schlafen oder holtz hauwen solt einem sollichen bass zymmen¹⁴¹⁾ dan in organis spiln, wer auch dem werck nützer Nün ferrer do von zü schreiben ist on not. Welcher orgelmacher oder organist etwas verstet der nem das selbig vnd diss büchlein zü eim forteill fleiss sich den jhennen so jm verdingt vnd vertraüwt wirt genung zü thon. Es sy die werck an geben zü machen oder exa-

136) sperrend. 137) mit Stossen erreichen wollen. 138) bleibend. 139) ungangbar. 140) Heftigkeit. 141) besser ziemen.

minirn, so mag er vnd ander mit ym so jnnen fördern ere vnd danck erjagen das süst offt feldt vnd das wider spill noch folgt.¹⁴²⁾ Wo man leyder dem ding nit erfarn vnd vnwissen hinan geht. Ich hab sie gekent, die nit woll kundten pfeiffen intonirn oder anders dar zü gehörend vnd dannoch durch jr geschickt fürtragen von fürsten vnd andern gut meister angenommen worden, die fingen die werck gar frey vnd brechtlich an, volenden sie aber nit also. wan sie yr werck ad probam goben so wass weit fell¹⁴³⁾ vnd wenig geleist, des sie sich vermessen vnd zü thon begeben hetten. Darumb auch jr etlich gar noch giltig kleiner ern vnd belonung abscheidt namen. billich den vnkosten vnd schaden von yn erwachsen wo es in yren vermögen gewest wer, wider geleitt hetten. sie werden es villeicht sparn biss an die gross rechnung. nichts dester minder warn die werck verderbt das man sie von newen andern meistern verdingen müsst. das ist mir nit allein mit leyen sondern auch mit geistlichen begegnet, warlich dry yder eins sondern ordens die in orgelmachen grossen vnrat geschafft haben. den ich scheinbarlich zeigen möcht bey fürsten styfften. Pfarren vnd klöstern, got wol das ynen keiner mer also blindtlingen noch folg in yr füß stapffen tret sich selbs argwenig halt, der ding ge-

(56. Seite.)

nügsam bericht zü haben, sollichs auch sein obern vberred vnd vertröst, gross ere vnd nütz mit zü eriagen vnd jm feel. als es biss her offt gefelt hot. sonder die augen der vernunft woll vff thů. vorhin zü lernen ein schüler sey. Ee dan er sich selbs bered ein meister sein do mit niemant durch sein vnwissenheit verfürft oder betrogen werd. Ich glaub das einer ein dör¹⁴⁴⁾ oder kleiner erbarckheit sey der so schnell vnerfarn freuenlich¹⁴⁵⁾ vnd verachtlich sich eins sollichen dings vnderzeucht do ein ander lang zeit jn fleissigiste vbung bey sein muss zü erlernen vnd erkunden, vnd dannocht glücks darff das selbig bewerlich zü brüchen. vil sein orgelmacher geistlich vnd weltlich, aber wenig deren yr meisterschaft bewert haben werden funden, vnd das vil werck verderbt werden, ist kein wonder, wo man nit vor hin frag vnd rat hat eins geschickten geübten organisten mit wem man versehen sey, darumb ist nitt allweg gut frembden vnbekanten leüten vff yr schön red yn selbs on ander fördernüss zü glauben vertrauen, vnd sie angelopt von yrn wercken annehmen. Welcher jm vertraut vnd willen hot zü halten vnd recht zü weren der mag ym zü lob vnd sicherheit des wercks verstendig leüt hey ym leyden, aber war denen so sprechen yr dörfft keins organisten do bey,

142) welches sonst oft fehlt und worauf oft das Gegentheil erfolgt. 143) so war es weit gefehlt. 144) Thor. 145) freventlich.

ich will euch genugsam versorgen vnd werschafft thün. bedunckt mich für züseen¹⁴⁶⁾ sein, dan zü letzt findt es sich wan man dan verfaru vnd die sach verhönt hat so sucht man erst rat vnd kommen solch rewkauff. nit allein von vnendtlichen künstlosen. sonder auch etwan denenn die vor meyster geacht sein die sich fürchten vnd scheüwen yr werck examinirn zü lassen, sagen jre werck also gemacht das es niemands straffen

(57. Seite.)

Das. x x i i j. blat.

mag, vnd sie wolten daz sie die besten organisten examinirn solten, aber man behalten den kosten wol es bedarff sein nit, wan sie dan also dar von kommen meynen sie woll geschafft hon. gedencken nit das faüll behelff böss list, vnd betrüg keinen beschirmen oder redten, sondern die warheit fürgeet, so hernoch teglich die werck von viln gehört vnd iudicirt werden. was einer nit darjn findt oder versteet. das thut der ander. dan wer zü wege arbeit der hat vil meister die etwan auch ein gern lopten vnd förderten so sein aigen werck nit dar wider wer. So man jnen dan die gebrechen vnd mangel eins wercks zeigt oder für helt. sprechen sie man sey ynen sünst abholt, het lieber andern do hin gefürdert sie haben yre werck gemacht daz die organisten der selbigen wercke content sein, dar vff hab man sie auch bezalt vnd ab gefertiget etc. so dan ein organist gefragt würt wie sollich defect so grob vbersehen sein, spricht er. ich habs nit verstanden vor nie gepflegt oder gewisst also zü examinirn, habs auch meynem hern gesagt vnd geradten ein andern zü beschicken der erfarn vnd geübt sey. haben sie mir nit sonder dem orgelmacher gefolgt, vnd geglaubt, ich hab das meyn gethon etc. Also führt ein blind denn andern, wirt ein kleiner kost gespart vnd ein grosser gewogt. zü zeitten halb verspilt. Es ist nit als gewin das man vor gewin rechet On zweifell so einer ym selbs ein hüß¹⁴⁷⁾ zü machen oder ein andern baw für genommen hett. Er würd sich nit allein vff den zymmerman vnd meürer so den baw volbringen solten lassen Nemlich so sie nit berümpft vnd bewert wern. Sonder dar neben anderer des bauws verstendig auch rats pflegen sein schaden vnd spot züuerhüten etc. Also ist auch not

(58. Seite.)

vnd billich sollich für sorg vnd fleiss zü haben orgeln vff zü richten. Nochdem vill als. i i i j. funff. sechs hundert. Etwan tausent auch zwey tausent gulden vff ein werck gewendt würden gemeinlich der heiligen vnd kirchen güter die vmb gots willen geben sein das selbig nützlich züerbawen vnd getreulich züuerdienen, dan es ist schmal glück darbey wie etwan wo weit con-

146) sich vorzusehen. 147) Haus.

scientzen sein, die vil durch lassen wüschten.¹⁴⁸⁾ nit achten von wannen her oder wie es verdient werd, als vil erfarn ist. Ich rede gutter treüwer meinung. Ob man gleich wol ein berümpften meister ein werck zümachen befellen vnd verdingen wolt. der sich selbs acht vnd meint zü wissen was dar zü not wer vnd gehört ist dannet¹⁴⁹⁾ gut ein organisten der ding erfarn vnd geübt darbey zü haben. als ein bawmeister an zü geben radten vnd helffen gedenden das werck zü gutten endt zü bringen. Es wirt dannet offft etwas verseümpft vnd nit bedacht das not vnnd ym anfang leicht zü machen, wer aber hernach schwerlich oder gar nit zü wider bringen ist Zwen gedenden meer dan einer allein sonderlich die ein werck brüchen vnd vben. Es muss ein fürsichtige wescherin sein die nie kein windel entfloss. Also auch in andern sachen der man sich freuenlich vermist so gering vnnd vor gewiss acht, nit gedendkt. Das die freidigen¹⁵⁰⁾ hund am ersten wondt werden. Es ist nit zü vermuten das ein orgelmacher wie geschickt er sey. on angebung vnd mit radt eins erfarenden organisten ein werck vollkommen machen, vnd all gebrechen vnd vnbreüchlichkeit wie ytzt pfeglich ist verhütten mag. der orgelmacher wer dan selbs auch ein berümpfter organist Der ich doch noch kein der es also bey einander gesehen oder gehort hab. vnd nachdem die

(59. Seite.)

Das. xxiiij. blat.

kunst nün der zeitt gewachsen vnd in hoher scharpffer vbung ist, sondern wo zwen oder meer der sach verstendig. erbars gemüts treülich handeln, ein ander folgen. nitt yrn eygen sondern des wercks vnd baws forteil suchen, die mögen nütz schaffen. Es sein etlich verdacht die ich doch nitt dar für halt ein sondern heimlichen verstandt miteinander zü haben. in dem wan ein organist vmb ratt berüffen werd. koch er zwen brey in einem haffen. als so ein werck geendt vnd nit werschafft¹⁵¹⁾ sy das er dan den organisten vmb sein sonderlich vererung zü gefallen das selbig gut erkennen, vnd vrteill etc. Nün sie handeln redlich oder wie sie wollen. wan die baw meyster so die werck machen lassen, das yr thün sein sie entschuldiget. Ich glaub vngefreuelt das die selbigen vss yr vnuorsichtigkeit etc. Des gleichen die orgelmacher vnd die organisten vss yr vnwissen vnd vermessenheit die werck zü machen, zü examinirn vnd iudicirn die kirchen meer beschediget haben dan etwan ein gemeiner land krieg das mich offft hoch bewegt, vnd zü diesser einfeltigen vnformlichen schrifft geursacht het, nit dovon geert oder gerümpft zü werden, dan ich mein vngeschicklichkeit wol weiss. vnd mich von hinden zü scheiden den ersten

148) entwischen. 149) dennoch. 150) wüthenden. 151) Gewähr, Garantie.

acht.^{1 5 2}) sonder gemeynen nütz zü gut hin für die oft genanten gebew, wo nit gar, doch züm teiln zü bessern vnd yre vnkosten mindern. niemant zü wider oder das sein so ym gebürt ab zü schneiden allein vor berürter vrsach Als got weisst. Der ere vnd lob wir hie suchen vnd vben sollen vns geschickt machen, das selbige dort ewiglich zuuolbringen etc.

(Letzte Seite leer.)

152) mich hintenan zu stellen zuerst erachte.

Hierzu als Beilage ein Katalog alter Musikwerke von E. Liepmannssohn und Dufour in Paris.

BOSTON COLLEGE



3 9031 024 22873 6

